

No. 67.  
Medicina Reformata


332





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5841/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5841/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5841/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5841/A



5841/A

A.xL

7/s



B 31.

XVI



5841/A

5841/A

3331



R120449c

~~12~~

D  
HE

HE

MI  
doc

M.D.




n<sup>o</sup> 67.  
51282

MEDICINA REFORMATA,  
SEU  
DENARIUS  
HERMETICVS PHI-  
LOSOPHICVS MEDICO-  
CHYMICVS,

HENNINGI SCHEVNEMANNI  
*Halberstad. Saxonis, Phil. & Med. Doct.*

IN QVO  
MIRA BREVITATE DILVCIDE  
docetur, decem Entibus omnium morborum radi-  
ces, productiones, transplantationes, astra,  
signa, indicationes & curationes  
compleri & absolui.



FRANCOVRTI,  
Typis & Impensis IOANNIS BRINGERT.

UNIVERSITÄT  
OCT 77



DESCRIPTIO  
HISTORICA  
MORBORUM  
ACUTORUM  
ET  
CRONICORUM  
A  
JACOBO  
CROONIO  
MEDICO  
PHYSICO  
REGIO  
MEDICAE  
PRAEFATIO  
DE  
MORBORUM  
CAUSIS  
ET  
SICUTI  
DE  
MORBORUM  
SIGNIS  
ET  
SYMPTOMATIBUS  
DE  
MORBORUM  
CURA  
ET  
PROGNOSI  
DE  
MORBORUM  
PREVENTIONE  
ET  
C.



OM  
MED  
ET  
nem  
ab  
pri  
re: T  
com  
desp  
qui  
def  
tran  
nzt  
vea  
de  
me  
me  
Sic  
n fi  
for





OMNIBVS VERÆ  
MEDICINÆ INVISITORI

bus benedictionem Dei pre-  
catur I. H.

ET si bone lector hunc tractatum  
præstantissimi Medici D. Scheu-  
nemanni piæ memoriæ mihi aliunde  
ab amico communicatum in meum  
priuatum vsum retinere potuissem iu-  
re: Tamen victus charitate, querelis &  
commiseratione tot ægrotantium pro  
desperatis relictorum, & bonorum  
qui Medicæ veritatis lucem quærunt  
desiderio, publicandum duxi hunc  
tractatum vere aureum, veræ Medici-  
næ fundamentum, in quo morborum  
vera causa & cura Paracelsica aperte  
docetur, quomodo vno remedio 100.  
morbi curentur, cum nunc vix 100. re-  
media vni morbo sufficiant, nec du-  
bito quin boni mihi magnam habitu-  
ri sint gratiam pro hac medicina re-  
formata diu desiderata, ingrati autem

A. 2. hæc



## P R Æ F A T I O.

hæc mei officii ( quod est curare animas) non esse dicent, qui sciant, licet speciale officium aliud requirere videatur; tamen generale officium esse inferuire proximo talento nobis concedito, & nō tam sibi quā multis prodesse. Grato igitur animo agnoscite tantum valetudinis thesaurum, qui nobis multa Philosophorum arcana aperte monstrat & offert. Bonum autem Magistratum ea qua decet obseruantia rogo, vt submotis Medicis & pharmacopœis imperitis, qui nō nisi suum lucrum quærunt, nec addiscere cupiunt veritatem, bonos constituent, quibus ægrotantium salus sit cordi. Vale, & mecum Deum ora vt in linguis & reliquis artibus det reformatores idoneos in ipsius gloriam & Ecclesiæ ædificationem. Amen. 18.  
Aug. Anno 1616.

I. H. P. M.

UNIVER-





UNIVERSIS, SINGVLIS  
VTRIVSQUE MED. CAN-  
didatis Gaudium.

**S**atis diu Thraces nobis immensa morbo-  
rum phalange vallatis vitam nostrā mor-  
borum querelis exosam reddidere. Tandem  
aliquando fas est, ut Apollinis Delphici ora-  
culum triumphet. *Morborum omnium u-*  
nus & idem est modus: Locus vero affectus  
differentiam facit; propter loci diuersitatem  
nihil simile habent: Cum tamen sit morbo-  
rum omnium & species & causa eadem.

Πολλὰ γὰρ ἡ ἀδελφεῖς τοῖς ἑτέροις. Crebro  
enim alii morbi aliis ἀδελφεῖς, cognati sunt.  
Exempla quaedam venerandus senex adiun-  
xit, absq; tamen colophone, quem Medico-  
rum nullus à bis mille retro annis imponere  
ausus fuit. Nuper Iohannes Quercetanus,  
vir ingeniosissimus in sua Tetrade tam diu  
exoptatum & desideratum opus pollicebatur:  
at immatura morte praeventus, vel rei diffi-  
cultate perterritus, quod in votis & mente  
habuit, persolvere nequiuit. Nec ita pridem  
Denarius Medicus nomine Bernh. Peroti à



Portu lucem aspexit, sed nigrum rubro non  
 respondet. Nos spreta mancipiorum turba li-  
 beris & incontaminatis ingeniis Hippocra-  
 ticam veritatem proponimus, ex quibus de  
 Sectarum omnium veritate & vigore iustam  
 censuram facere quis possit, meliora & puriora  
 eligere, spretis opinionum errorumq; labyrin-  
 this, utcumq; nominum <sup>αυφισβολία</sup> Metho-  
 dica artis adumbratione, fraude fidem facere  
 conentur. Arduum certe hic fuit, obscuris lu-  
 men, fastiditis gratiam, vetustis novitatem,  
 dubiis fidem, ignotis nomina dare. At vicit  
 victoria spes, ingenii candor, triumphus, lau-  
 rea. Philosophorum itaq; vestigiis insistens,  
 multa ab aliis prætermissa adiunxi, angustias  
 methodorum dilatans, & dissipatas rerum fa-  
 milias, conspirare feci. Neq; recitatores, neq;  
 nudi transcriptores fuimus, ex fontibus iis-  
 dem, ex quibus antiqui & recentiores naturæ  
 interpretes, rivus deduximus. Sæpe confluxus  
 rivorum aspicientes, hilari recreatione lucu-  
 brationum tædia mitigavimus. Scimus non  
 paucas relictas esse dubitationes. Quid mirū?  
 Multa nescientes de multis dubitare necesse  
 est. Nihilominus si diligenter examinaveri-  
 mus, quæ de origine, differentiis & proprie-  
 tatibus



tatibus corporum attulimus, fores naturae re-  
 seratas magna gratitudine fatebuntur. Ini-  
 quum esset, naturae thesauros temere prosti-  
 tuere: & exemplum Aetionis absterret. Qua-  
 propter consulto omisi Medicamentorum <sup>dosim</sup>,  
 temporum & periodorum observationes, ali-  
 mentorumq; morbo unicuiq; conuenientem  
 administrationem, veram Auri absq; cor-  
 rosui solutionem, aliaq; Medicorum orgia;  
 quae parasitantes lenocitantesq; Philologos,  
 Mathematicos, Astrologos, Iudiciarios infam-  
 es, bubsequas & vros copos palantes, legu-  
 leios forenses, cerberos, elatos chirurgos, super-  
 bos pharmacopaeos, tonsores stupidos, denti-  
 fragos circumforaneos, agyras & nescio,  
 quam impij & profani cætus turbam à legi-  
 timo Aonidum thoro arcent. Tales ego syco-  
 phantas nulla <sup>σωφροσύνη</sup> aut <sup>σοφροσύνη</sup> dignor.  
 Vobis autem vtriusq; Medicinae candidatis hos  
 meos labores dedicare volui, ut animos ve-  
 stros ad naturae mysteria indaganda instiga-  
 rem. Hac vitalia sunt, & viuientium spiri-  
 tum mysteriis vtuntur. Nostrum hoc secu-  
 lum ad corpoream medicinam defecit, mor-  
 tuasq; corporum umbras sectatur: in quibus  
 nec viris doctis quicquam dignum, nec aliis



*utile. Quod si hac vobis placuisse sensero, ma-  
iora polliceri possum, & magis elaborata, quæ  
votis multorum satisficient. Hisce interim  
in salutem agrorum fruimini & valetote.  
Datum Ascania 14. Februar. Anno sa-  
lutis 1613.*

Henningus Scheunemannus  
Ph. & Med.D.

DENARII





DENARIII HER-  
METICI PHILOSO-  
PHICI CHYMICO-  
Medici

C A P V T I.

*Corporum Analysis.*

**P**RIMA & maxima naturæ vox iu-  
bet, vt homo concilietur sibi:  
propterea mortem naturaliter  
timet, nomine magis, quam re  
formidabilem. Hæc data est Mundo sen-  
tentia, hæc D E I vox est, vt omnia orta  
occidant, vt aucta senescant, infirmentur  
fortia, & magna minuantur, vt dum infir-  
mata & diminuta fuerint finiantur. Vita mor-  
tis expers; quocirca longa, ars brevis est; quam  
longam dogmatici obganniunt, multorum  
infelici occubitu. Morte irruente anima fide-  
lium iustorum absoluitur & gaudet: Corpus  
resoluitur & ad auos & proauos suos in Hipp.  
orcum descendit: illuc nec mortis fæcilites  
cruciatus nostri dolores, ardores, inflamma-  
A S tiones.



tiones, conuulsiones, horrores, &c. rigores  
 cum reliquis à corruptione ad incorruptio-  
 nem, à mortalitate ad immortalitatem, à per-  
 turbatione ad tranquillitatem ducunt. Nihil  
 ergo moritur vnquam. Quæ enim hic cor-  
 rumpi dicuntur, non festinant ad non Ens. Ex  
 non Ente nihil fit, vniusque corruptio alterius  
 est generatio: Destinatis muneribus absolutis  
 ad fontes suos recurrunt: Quoniam omnia  
 dona naturæ, omnis vita, scientia immortalis  
 est: Corpus quod dissoluitur, opinione vulgi  
 corrumpi pariter, ad tenebras, orcum, caligi-  
 nem festinare videtur. Sapientes vero aliter  
 sentiunt, relictis tenebris ad lucem pergere &  
 vitam. Quæ hic in generationem prodeunt,  
 augeri videntur, quæ hinc corruptione ab-  
 eunt, diminui ita crescentibus numeris, mi-  
 nuunturque proportionibus, & vicissim auctis  
 proportionibus diminuuntur numeri. Quid  
 igitur est generatio & corruptio? Fluxus sunt  
 seminum, quæ dum fluunt, augentur, minuun-  
 tur vero dum refluunt. Hinc conuincitur,  
 Mortis satellites cruciatus nostros, morbos  
 omnes, mortis nempe prodromos nihil aliud  
 esse, quam motum quendam præternatura-  
 lem corporis nostri compagem soluentem ac  
 dirimentem. Nam omnis coniunctio rerum  
 mortalium maxime diuersarum affert secum  
 dissolutionem. Compagem itaque corporis  
 nostri contemplari oportet, ne cum Philoso-  
 phiæ



# REFORMATA. 11

phæ ignaris & idiotis mortale mortali conferuare nitamur. Mortale corpus vita non est, sed nudum hospitium, in quo longa vita cœlitus gliscit. Vita, fax & lampas, ignis naturæ viuus, balsamus perpetuus, lumen & numen naturæ, incombustibile sulphur, cuncta creata benignitate sua, humido radicali, cœlesti rore & aura odoratissima adolet, cuius beneficio scientia à creatore locis suis, Elementis videlicet incorruptibilibus, inuisibilibus & incorporeis inclusa, incorrupta in ænum custoditur. Hæc coniugii fœdera sanciant inuisibilia, inseparabilia. In hac generationum & procreationum omnium origines quiete delitescunt, vtrunque silentio mortalibus ætatis diuturnum desiderium produxerit. Ex his actionum omnium vigor ac potestas deriuatur, cætera languida actionum impedimenta. Ex his colores, sapes, odores & qualitates omnes tactiles, quantitates, numeri, conformationes ac signaturæ cæterę in mechanico generationum & transmutationum processu prodeunt. Hæc complexiones rerum & proprietates constituunt, multiplicationes moderantur, stabilitatem custodiunt, & mille huiusmodi dotibus ornata sunt. Hæc cum æterna, ætherea & inuisibilia sint, deprehendimus etiamnum aliquid desiderari, antequam ex suis abyssis in hac mundana scena operationum & transplantationum liturgias absoluerè possint. Natura igitur



igitur talem adiungere oportuit, quæ diuisibili proprietate temporum, locorū, omniumque dimensionum necessariarum explicationes admittere, & quæ vitalibus seminum potentiis terminos constitueret, adeoque vniuersæ naturæ fores clauderet. Hæc est corporum natura. Quorum prima differentia ex elementorum ordinibus deducitur, quod elementorum proprietatibus magis sunt vestita. Sunt hæc ignea, aerea, aquea, terrea, penetratione, mobilitate, agendi potestate & primum discrepantia; in quibus tamen nulla *δύναμις* interna latet, saltem steriles caliditates, frigiditates, humiditates, sicciates, leuitates, grauitates, in quibus nulla est impressio fecunda, etiam sine sapore plane insipida deprehenduntur. Talis est natura terræ, aquæ, aeris, ignis nostri, plurimarumque impressionum cælestium, ut pluuiarum, niuis, grandinis, ventorum quorundam & similium fructuum aereorum, in quibus nulla est confluentia cum astris morborum, perinde nec ullam medicinam ex illis confici posse, præ cæteris venerandus senex Hippocrates docet πάντα, ait, ἀπὸ δυνάμεων γίνεσθαι: τὸ θερμὸν, ψυχρὸν, ξηρὸν, ὑγρὸν, non esse τὸ μεγάλην δύναμιν ἔχον. Propterea in his nullam esse virtutem ad sanandos morbos. Cæca igitur & surda est omnis Philosophia, quæ priuationes, informesque materias & mortuas qualitates sectatur: quæ ex his morborum pro-



productiones, generationes, trāsplantationes  
produci, earumque curationem absolui posse,  
gloriose quidem, utinam non mani iactura  
pollicetur.

Elementa inferioris huius mundi crassa  
sunt corpora à seminibus remotissima, idcirco  
mortua, arcanis carentia nil nisi mortuas qua-  
litates possident, ex quibus nihil quicquam  
generatur, cum fructus sint seminum primo-  
rumque elementorum perenni duntaxat flu-  
xu & irrigatione generationibus inseruiunt.  
Hic tamē, oī in hārescunt pseudomedici reb,  
mortuis vitæ actiones attribuentes, corticem  
& siliquas pro nucleo, vestem pro marrona,  
aerem pro lunone, ancillas pro domina, cum  
Penelopes procis cæco impetu arripiunt &  
amplexantur.

Alia sunt corpora ab elementis nostris di-  
uersa, quæ seminum proprietates imitantur,  
quarum impressiones fœcundæ sunt, & in-  
cturam post se relinquunt constantem, in qui-  
bus saporem, odorem & qualiatum omnium  
vitalium vestigia manifeste deprehenduntur:  
Tria sunt hæc: sal, sulphur & mercurius, cæte-  
ra corpora vniuersa constituentia, in quibus  
separatio fieri potest virtutum ab inualido, pu-  
ri ab impuro.

Caue autem, ne arbitraris, ne sal cōmune,  
sulphur & mercurium vulgi intelligas, cum in-  
diuidua sint, & in suo genere absoluta, nullam



ex iis corpus constituitur. Horum tamen quodlibet ex illis est compositum. Sed quia Filii Hermetis differentias 3. substantiarum, ex quibus vniuersa componebantur, proprietates, conditiones in nullis naturę totis speciebus, magis explicatas animaduertent, placuit ex iisdem appellationes mutuati. Nulla enim est constans proprietas vllius corporis, quę vel non in salis vel sulphuris vel mercurii eiusdem corporis deprehendatur. Nulla igitur alia ratione, via vel indagine proprietates rerum, morborum origines & consumptiones venari licet, quam hac corporum analysi. In hac anatomia exercitatum esse oportet Medicum, vt internos vetos morbos a sensuum iudicio longe remotos cognoscat.

Localis & externa anatomia Chirurgis quoque, tonsoribus, balneatoribus & nescio, cui improbi & profani cętus turbę ob exercitatas cadauerum sectiones non ignota, cauitates, magnitudines, ordinem, numerum, connexiones, situm partium corporis humani ad amoliendos externos morbos docet. Externi morbi sunt, qui externarum causarum violentia infliguntur, vt luxationes, contusiones, vulnera, calefactiones, refrigerationes, exsiccationes, humectationes, lassitudines, inanitiones, repletiones, vigilię, sitis, fames, vrinę retentę, alui constipatio, venarum obstructio &c. Hac enim omnia molestant homines, & abla-



ablationem postulant. Quoniam vero habent generationes sensibiles, indicationes quoque manifestas demonstrant, & remedia sensuum analogismis subiecta requirunt. Horum curationes cum partim faciles, partim manuum dexteritate & agilitate perficiantur, Hippocratis quoq; tempore ad Chirurgos demandata fuerunt.

Interna seu essentialis Anatomia septem mutationum gradibus, calcinatione, sublimatione, solutione, putrefactione, destillatione, coagulatione & tinctura corporum mutationes, alterationes, productiones, nutritiones, coagmentationes, durationes & consumptiones manifestat. Hæc quicquid in corporum liturgia abstrusum, quicquid sensuum iudicio inuestigari nequit, prodit, purum ab impuro separat, immaturitates perficit, amaritudines corrigit. Harum mutationum potestate, tria prima principia formalia, astralia, invisibilia, redduntur materialia, visibilia, tangibilia, validis potestatibus, proprietatibus & tincturis exornata in numerum dispartiuntur denarium perfectissimū, ultra nec citra quem in rebus creatis quicquam reperitur.

Sunt autem hæc : mercurius pneumosus, mercurius cremosus, mercurius sublimatus, mercurius præcipitatus. Sulphur cōgelatum, sulphur resolutum, sulphur coagulatum. Sal calcinatus, sal resolutus, sal reuerberatus. Horum



rum multiuaria coniunctione, mixtura & vni-  
one corpora naturalia omnia propagationem  
suam tum virtutum, tum facultatum sortiun-  
tur, nec vlla res naturalis reperitur, quæ sine  
iis constare queat, vtcunque simplicissima sit.  
Omnis enim rerum essentia qual scunque sit  
bona, vel mala, alimen-osa vel venenata his 10  
potestatibus, principiis, naturis corporeis per-  
ficitur. Quod enim alia mercuriales dicuntur,  
alia sulphureæ, alia salinæ, idcirco fit, quod  
mercuriales plus pneumosi vel cremati vel  
sublimati vel præcipitati: sulphureæ plus sul-  
phuris congelati vel resoluti vel coagulati: Sa-  
linæ plus salis reuerberati, vel resoluti vel ca-  
cinati, quam aliorum in se contineant. Hinc  
corpora principii prædominanti: passiones,  
proprietas & tinctura: participantia, alia  
mollia, alia dura, alia crassa, alia tenuia, dapha-  
na, graua, leuia, aspera, lenta, viscosa, fluxilia,  
fragilia, flagrabilia, fusilia, odorifera: foetida,  
mobilia, durabilia, fugacia, momentanea, vi-  
uacia, mortua, alba, nigra, rubra, cœrulea &c.  
visuntur.

*Mercurius pneu-  
mosus  
quid.*

Mercurius pneumosus spiritus est æthe-  
reus, ignis naturæ vitæ nostræ proximum & in-  
timum indumentum, corporis humani lumen  
& numen, omnium actionum motor & rector  
in Cerebri ventriculis hospitari creditur, affla-  
tu suo inuisibili omnem motum perficit, om-  
ne actione moderatur, cuius proprium est,

moueri



moueri & vitam elargiri. Quod si nonnunquam 7. mutationum potestate eius motus inhibeatur, debilitetur vel aboleatur, ἐμφυσιματὰ suboriuntur.

Mercurius Cremosus seu destillatus arca  
vitæ nostræ, ignis ætherei pabulum ac nutri-  
mentum, verum lac virgineum, humidum ra-  
dicalē seu primigenium, primum & maximum  
generationis subiectum, cremor dulcis, liqui-  
dus, rarus, permeabilis, mucilaginosus, suo  
madore ac rore partes corporis nostri irrorat,  
madefacit ac reficit. Hic si permutationum  
gradus summas vires, summas potestates con-  
sequatur, repentinam minatur mortem.

*Mercurius  
Cremosus  
quid.*

Mercurius sublimatus radicalis humidi spi-  
ritus acutus, permeabilis, penetrabilis, aerea,  
fumea, subtilissima, viuifica & spiritiuosa est  
substantia, estque τῆς ἐσώδους καὶ ἐσώας proxi-  
mum actionum perceptibile instrumentum  
caloris, siccitatis, leuitatis, tenuitatis, splendo-  
ris, perspicuitatis, diaphanitatis, ventositatis  
labrum & flabrum. Hic si nimium suscitetur,  
quicquid ferit, pungit & dolore premit.

*Mercurius  
sublimatus  
quid?*

Mercurius præcipitatus spiritus æthereus  
vere esurius, acidus, acris, vehemens, in-  
combustibilis, ignem externum calore vin-  
cit, & est totius vniuersum fermentum viuifi-  
cum, a quo omnia fermentantur & condiun-  
tur, insit dissoluendi & contrahendi facultate  
obuia quæq; cōfringit ac dirimit, validissimas

*Mercurius  
præcipitatus  
quid?*

B

&amp; du-



& durissimas solis & lunæ portas referat. Hi sunt illi spiritus, qui esuriunt & sitiunt, & post assumptam alimentum & ciborum materiam confestim aliam nouam appetunt, quam attractam acida sua & mordaci soluendi & conterendi potestate confringunt: quæ dissolutio & contritio, à Medicis concoctio & digestio appellatur. Hi cum cætera cuncta dissoluant, congelationes seu indurationes siccas patiuntur. Quoties enim à suarum functionum officio impediuntur, & exacerbantur & præcipitantur, siccas coagulationes maximo cruciatu extremis membris sine tamen exulceratione infligunt: Vnde morbi secundarii: Tophi scilicet podagricorum obnascuntur. Vnus tamen & solus est mercurius pneumosus, à cremoso nulla arte separati potest, nec seorsim conseruari: nec sublimatus & præcipitatus ab istis vel inter se essentialiter differunt, sed solum aliis & diuersis proprietatibus, qualitatibus, tincturis & potentiis in conspectum prodeunt.

Eadem ratione sulphur vnum & trinum est, quod non aliter de sale intelligendum est.

*Sulphur  
congelatum  
quid?*

Sulphur cōgelatum spiritus est purissimus, odoriferus, candidus, dulcis, pulsatilis, caloris fomentum, totius corporis falerum, confortatiuum, seu lapsarum virium reparatiuum, maximum, in solidarum partium constitutione: mercurii aciditatem & salis amaritudinem  
sua



sua dulcedine contemperat, & sua visciditate mercurii volatilitatem cum salis fixatione conciliat, à quo solidiores corporis partes, utpote ligamenta, ossa, ne mercurii copia flexilia & salis abundantia fragilia reddantur, stabilimentum recipiunt, odorum fragrantissimorum præcipua origo censetur, accensum flagrat, febrile incendium suscitatur.

Sulphur resolutum liquidum & mollem *Sulphur resolutum quid?* habet substantiam, omnesque partes benigno in odore irrorat, dicitur gluten, & est humiditas quædam viscida, calida, spiritus plena, blanda, generationi commoda, vi leniendi & conglutinandi prædita, si nimium exaltetur, soporem inducit & omnes affectus torporiferos creat.

Sulphur coagulatum, viscosum, glutinosum, *Sulphur coagulatum quid?* resinum & foetidum est à natura, quasi in flore relictum, inter durum & fluidum mediam conquisiuit consistentiam, facile incenditur, cum nitro impuro communicat, ideo accensum multas & nigras fuligines in auram mittit, grauem spirat odorem, leui de causa diuortium patitur, resolutorum morborum productrix & causa est.

Sal calcinatus vitæ balsamus corpus est illud firmum, fixum, terreum mercurium & sulphur in vnum componens, coagulans, & solida reddens cuncta, condimentorum omnium condimentum optimum, aurea catena, ha-



mus & viscus, à quo saporum omnium origo derivatur, cunctarum specierum hermaphrodita, nunc amarum, nunc salsum, nunc austerum, nunc dulce est: quod si mutationum potestatem contingit, ut in corpore humano lique scat, mollior fit corporis habitus; unde cachexia, hydrops & cætera œdemata molliora.

*Sal resolutus quid?*

Sal resolutus, corpus est liquidum, gustu graue, facultate coagulandi & constringendi præditum, & quamuis liquidum hoc sit, non tamen humectat; sed potius vi sua constringente exsiccat & indurat, saporis sui benignitate cuncta nutrit & conseruat, propterea Deorum cibus & potus dicitur. Ex officio suo dilapsus induratur in nobis non raro in visneam, arenam, tartarum & in lapides concre scit, eiusque virtute admiranda fiunt naturæ opera.

*Sal reuerberatus quid?*

Sal reuerberatus totius naturæ generale est lixiuium & mundificatiuum potentissimum, corpora quæq; solidibus inquinata detergendo, reserando, incidendo, purgando, vomitum protuocando, vrinas ciendo, ludo es mouendo mundificat, viuificat & regenerat. Verus ignis perpetuo vrens, quem licet non videamus, quoniam in flammæ non erumpit: Ipsum tamen vere sentimus: qui si in nobis luxuriat, sibi ipsi sua acrimonia exitium parat, cutim diffundit & efflorescit. Huius fructus sunt



sunt pruritus, vitiligo, achor es, lepra, cancer, lues Gallica, scorbutus & reliqua.

In his 10. radicibus, dispositionibus, potestatibus, astris, elemētis, receptaculis, substantiis, seminibus, spiritibus, mineris, tincturis, omnium morborum ortus, periodi, circuitus, productiones & consummationes deprehenduntur & absoluuntur. Quæ si ad partis loci subiecti dispositionē in naturæ suæ necessitatem & exigentiam vnita maneant, pars corporis sana dicitur: Si vero nolint vnita manere vel per mutationum gradus, vel altiori potestate à se inuicem diuelluntur, tunc vita periclitatur, titubantes edunt actiones, & morbus præsto est, cuius a rocitare corpus in Iliadum Theophrasti transplantatur, seu ad auos & proauos suos in Hippocratis orcum descendit, & in Orphei noctem conquiescit. Hic omnium dolorum finis & terminus.

## CAPVT II.

*Morbus Mercurialis, Mercurii pneumosi*  
*ἐμφύσησις.*

MERCURIUS pneumosus quinque Elementum Deali, Astrali, pargoica, venenali & naturali potentia & virtute, vi sua motiua nō nunquam orbatur & ingrossatur, vt præter  
B 3 naturam



naturam in folliculis, membranulis & cavitatibus includatur & subsistat. Visibilis & materialis factus non immerito nomine priuatur, Flatus dicitur. In quacumque vero parte coarctetur ἐμφύσημα, inflationem seu apostema ventosum procreat.

Si flatuosi spiritus inter asperam arteriam in collo, folliculis aut propriæ membranæ in uolucro coarctantur & coalescunt, strumæ, steatomata, atheromata, melicerides gutturis, hernia, testudo, nata, talpa, lupia, nasco, glandula, nodus, bocium, bronchocele, chærades, scrophulæ censentur: Quæ non solum in collo & ceruice, sed in aliis, inguinibus, lateribus, coxendice, mesenterio, mammis, axillis & maxillis adnascuntur. In his mercurius pneumosus minime otatur ex proxima sibi associata Minera, nunc melleam, nunc adiposam substantiam seu olei quendam limum, sebum, vini fæces, amurcam, cretam, arenam, calculos, ouorum testas, limacum cochleas, spicas, fœnum, cornua, carbones, vngues, pilos, ossa, clauæ, ferum, cuprum, animalia viua & mortua efformat.

Quemadmodum hæc & multa alia admiranda corpora in abscessibus reperiuntur: quæ delirum vulgus philosophiæ imperitum in apostemate, præstigiis dæmonum aut veneficiis anus accidere credit. Dogmatici arbitrantur hos abscessus & in iis contenta, pituitæ affluxus



fluxus esse soboles. At fieri non potest, ut pituita, & bilis aduocatis quoque cæteris humoribus tam varias formas in generationum lithurgia attingat. Solus pneumosus mercurius mechanica scientia instructus, ex tincturis salii associatis & attractis rerum admirandarum formas pingit & fingit, quod experimento comprobant, qui solerti industria Stiriacas & Carinthiacas fontium venas scrutantur, manentis Maii serene nebulas in vertice montium emergentes, ac instar lanæ vel cotti gossypii supra cespitem pendulas velut fontium & metallorum indices dedita opera obseruât, ibique argenti viui venas subesse coniiciunt. Has hydrargyro infectas venas qui biberint aquas, iis cheradibus & bronchocele tumore à gutture ad pectoris furculam fere pendulo collum turget. Solus autem *αἰσχος* credit, hydrargyrum intra cutim ad asperam arteriam, pituitam proritare & occludere: cum eius genuina virtus sit, pituitam ceterosque humores ab omnibus membris magna violentia expugnare. Euidens ergo experimentum est, quod ex mercurio flatu pneumoso, quo hydrargyrū turget, strumæ intra asperam arteriam in collo & ceruice vsq; ad pectus pendulæ ac supra adenas passim venarum in corpore fulcra coalescant.

Si mercurius pneumosus palpebras infectet, fit flatuosum apostema, Alintifar dictum:

B

4

Si inter



Si inter Peritoneum, membranam & intestina flatus plurimus coaceruetur, Tympanites generatur: Hoc malo affectus vëter, tympani instar sonitum, si percutiatur, edit, vnde morbo nomen inditum est. Si plurimus flatus in intestinis exitum non inuenerit, tormina & murmura excitat. Si naturæ robur eum per anum excernat, crepitū edit: Si per os, ructum, quem Hippocrates *πυγματώδην*, Galenus inflationem stomachi. Eli. Aurel. ventositatem ventriculi appellauit. Si partes vmbilicales siue medium ventrem infarciat, fit rugitus ventris. Si partes laterales hypochondriorum, gurgulatio vel subrugitus dicitur. Si flatus in tunicis & villis intestinorū obuolutetur, fit punctio, tensio, strophus, caraf. colica & ileos. Si exitum nullum inueniat, causat dolorē perforatiuum, in quo patiens existimat, viscera sua terebello perforari. Si in inguina vel scrotum flatuosus spiritus deuolutetur, ægritudo fit, quæ Græcis *κοίλη*, latinis tum ramex, tum hernia dicitur. Si in Peritoneum, vel Siphac flatus descendat, pneumatocèle dicitur, quod nonnunquam in hydrocelem & sarcocelem transit. Si in Ileon, Enterocèle. Si in Omentum, Epptocèle. Si ad inguina, Bubonocèle: Si ad scrotum, Oscheocèle. Si ad testiculorum tunicas, Sarcocèle dicitur, & hisce similes innumerabiles inflationes, varices seu glandulas in musculis, villis & membranis flatus producant.

Horum



Horum malorum causa iam cognita patet, quod frustra aduocentur in auxilium ad auer-  
tendum hoc malum, pituitam purgantia; cum  
hæc deformitas huius progenies non sit: Fru-  
stra Enemata applicantur, nisi flatus ab indu-  
ratis fæcibus in intestinorum anfractibus deti-  
neatur: In quo casu solū Pseudo Galenici pun-  
ctum tangunt: in cæteris toto aberrant cælo.  
Frustra castanearum flores, formicarum oua  
deglutiantur, quæ flatus gignunt, malum au-  
gent. Tota frustra incriminatiuorum cohors  
cum flatuosa sit, longa serie ad oppugnandum  
hoc malum producit. Frustra radix Ireos  
collo appenditur, spongia crematur, nisi actio-  
nem regat vertiginosi Entis pagoici potentia.  
Corroborantia, consumentia, discutientia,  
quæ amica quadam conuenientia loca petunt,  
partes læsas at ingūt, & per insensibilem tran-  
spirationem ventum inclusum expellunt, bal-  
samica virtute corporum dissolutiones, ven-  
tositatum generationes impediunt, aduocare  
oportet.

Ex Gal. familia medicamenta ea sunt, quæ  
ex aromatibus componuntur, quorum lauda-  
tissima sunt Antid. ex viperis composita, quam  
Theriacam vocant, tum, quæ Athanasia &  
Ambrosia dicuntur, quibus pro pauperibus  
adiungitur, quod calamintha est coadunatum.  
Experimur autem indies, & hæc parum pro-  
desse, quamuis nec topica, qualia sunt destilla-



ta, vt oleum philosophorum & quæ ex cineribus claueteatis præparantur, & quæ gummata in ventre vulpino per affationem disso'uuntur, minime negligantur. Non temere igitur Paracelsus primum Ens commendat, in quo virtus expulsiua consistit. Hac enim facultate omnes inflammationes, apostemata vniuersa expelli dicunt. Hoc resoluit, mitigat, expellit, reuocat : Huic adiungi debet practica chirurgica, si apertione & extractione opus. Nos  
 » non igne, non ferro, non incisione cruenta; sed  
 » cauterio potentiali ex clauell. sæcum aceti  
 » asque omni perceptione leu sensatione in v.  
 » nius horæ quadrante cutim exurimus, exurimus  
 » stam sæuo porcino vel butyro non salito sup-  
 » puramus. Et si apertionem maiorem desideramus,  
 » radice quadam vegetabili absq; dolore  
 » quoq; foramen extendimus, glandulæ si um  
 » extrahimus & ressecamus, vulnus communi  
 » processu consolidamus.

## P R I M V M E N S.

**M**ineram Cinaberinam in aqua salis coquito, sic impuritas à puro decidit, parum perfunde quadruplo salis circulati, & vna digere in Athanore per mensem, vt transeat in aqua separata purum ab impuro. Purum coagula in lapidem, tunc calcina cum sp. vini rectificato calcem solue, solutum digere : inde fiet liquor, in quo virtus est primi Entis.

CAPVT



## CAPVT III.

*Morbus mercurialis morbi cremosi  
convulsio.*

**M**Embranarum, neruorum, ligamento-  
rū do'lores & passionēs à solo mercurio  
oriuntur: Mercurius destillatus neruos ferit,  
mercurius sublimatus mēbranas pungit, mer-  
curius præcipitatus ligamenta & ossiū orbitas  
vibrat, mercurius destillatus siue à partib. soli-  
dis, siue à cibo & potu segregatus potestate su-  
periorum nonnunquam per ascensum in de-  
scensum tandiu circulator & rotatur, donec  
cum tenuitate summas potestates, summas vi-  
res acquirat. Quamobrem Paracelsus ipsum  
fulguri comparat. Sane experientia comper-  
tum est, fulmen non eodem modo omnem  
materiam impetere & vexare. Nam sacculis  
illæsis & nullo modo combustis, sol, venus &  
luna conflant intus. Manente vagina ensem li-  
quat: inuiolato ligno circa pi'æ ferrum dissol-  
uit: integra carne & interdum nulla ignis aut  
ictus nota exterius apparente, ossa comminu-  
at, & vniuersim firmiora vehementius dissi-  
pat, obteritq; cum lapide, ferro ac durissimis  
quibusuis configit, teneris & rarioribus licet  
flammis oportuna videantur, parcit, & plura  
alia effecta & miracula fulmen edit. Haud ab-  
similem



similem naturam mercurius destillatus, mutationum gradus obtinuit: Hic in vnam massam cogit & colliquat aut cerebrum aut pulmones, aut cor, haud aliter, ac si cera esset, interim alias partes non lædit; ferit, percutit, inflamat exuritq;, quicquid intra cutim clauditur: ipsam tamen cutim, carnem, fibras, mûsculos & cæteras partes molliores non lædit, linguæ loquelam actiuo suo halitu exurit: Carnosam tamen eius substantiam intactam relinquit. Ratio tunc exulat, oculi conuelluntur, respiratio difficilis, suffocatio pulmonis torquet: ac homo intra se velut mustum ex vase obturato æstuat, totumque eius corpus flagrat, cum ratione sermo, sensus, motus pereunt, collum intumescit & turgēt, auditus fatiscit: Ita percussus, nullis fere malis indicijis præcurrentibus, repente quasi attonitus concidit, atque si acerbum malum est, iacet fixis oculis sine sensu, sine motu, sine mente, sola respiratione, quæ gossypio vel speculo ori appposito exploratur, à mortuo dissidens, quæ & admodum difficilis mox euadit, & cum stertore grauissimo, à quo etiam hoc habet, vt vel fortis, vel debilis, curabilis vel lethalis dicatur. Hunc affectum Apoplexiam vocant.

Quamuis autem hoc fulmē desuper feriat: non tamen ob id omnes partes, quas attingit, lædit, sed potius neruos, pulmonem & cor exurit, quod impedita & difficilis respiratio, cordis pal-



dis palpitatio, pulsuum peruerfiones, suffoca-  
tiones, syncope & animi deliquia satis superq;  
testantur. Imaginatio enim discusso & con-  
sumto vapore, qui fulminis ictum antecedit &  
sequitur, redit vt plurimum, permanente mo-  
tus deprauatione: quod sane non eueniret, si  
ab humore quodam nervos obstruente, Apo-  
plexia fieret. Sublata enim causa tolluntur ef-  
fectus. At qui nervi obstruerentur, cum con-  
caui non sint, excepto optico? Appellemus  
obstructionem crassam pituitam nervorum  
origini adhærentem. Sed cur non observa-  
mus, quod absoluta Apoplexia, vbi cere-  
brum, imaginatio & discursus, suo iterum fun-  
guntur munere, pars quædam externa ad vitæ  
terminum non raro læsa & paralytica maneat?  
Inanis fuga est, humorem principium istius  
memברי adhuc occupare, cum superior ner-  
uus, à quo inferior, qui læsus est, deriuatur, li-  
bere motum edat. Nec fieri potest, vt tanta co-  
pia crassorum humorum in nobilissimo mem-  
bro congregetur, quæ simul in momento om-  
nes vndiq; nervos oppleat, nulla præcedente  
actione læsa. Num crassæ grauisq; naturæ ma-  
teria, quæque difficilius mouentur, hoc sibi  
vendicant proprium, vt tam subitum, præci-  
pitum & tam stupendum motum excitent?  
Quomodo crassus frigidusq; humor, siue pi-  
tuitam siue Meancholiam voces, dum conge-  
ritur, & pars eius congesta est, ociosus staret,  
vt ni-



vt nihil re ipsa prius producat, quam sero ac tandem maturum Apoplexiæ fructum? Concludimus ergo causam tanti mali non crassæ, frigidaque pituitæ vel Melancholiæ aut alii id genus humori esse tribuendum; sed nebulosis potius exhalationibus mercurii destillati in cerebrum euectis & in eo conclusis, instar nubium in aere expansarum, quæ decidendo nervos, pulmones, cor coarctant, constringunt, exurunt, sicut Spodium vnum constringens. Hoc analogice dec arat; Spodium vino iniectum velociter circumquaq; extimam vini superficiem constringit & congelat, vt crusta quadam obductum videatur, ne fracto vase diffluat: Simili prorsus modo mercurius non primarum qualitatatum; sed altiori insita virtute in rabiem suscitatus corpora constringit & coarctat, vt rigida & quasi congelata & gelu concreta & erecta maneant, adeo vt in nullam partem flecti possint. Hunc affectum Celsus rigorem, vulgus Medicorum Tetanum appellat. Quod si nervos solum constringat, & nō exurat, quarto die à morbo liberantur: si autem cum adstrictione simul exurat, quarto die moriuntur. Quemadmodum autem videmus, fulmē muralicuius summam extremitatem corripere, fissurasq; ipsius serie recta ta cōectari, vt vndiquaque diuellendo à summo ad imum findat & laxet: sic & hæc sideratio interdum desuper in vnam solum partē impingit, à quo tamen



## REFORMATA.

11

tamen tractionis principium faciens, ductum  
 postea continuum vel ligamentorum vel ner-  
 uorum, vel tendinum sequitur: Nonnunquam  
 principium & repetentium motum absque  
 læsione transilit, mediam vel extremam par-  
 tem lædit. Quamcunq; autem partem percel-  
 lit, illius partis paralyssis, paresis & paralphlo-  
 gia fit. Si partes anteriores percutiat, ἐμπρό-  
 σθενος: si posteriores, ἐπίσθενος dicitur: si mu-  
 sculum ab Anatomicis latum dictum conuel-  
 lat, fit oris tortura conuulsio canina seu reso-  
 lutio musculorum maxillarum, qua os, nasus,  
 oculi & interdum tota altera faciei pars distor-  
 quetur: si arterias & venas afflat, tremorem &  
 palpitationem concitat: si leuiter tantum ner-  
 uum aut musculum quemcunque tangat, fit  
 spasmus: Si cerebrum, vel rationis cellas desu-  
 per percellat, vel alio membro insiliat, tunc  
 homo repente sine intellectu, vel cum intel-  
 lectu cadit, & si vel amens vel somno narcoti-  
 co oppressus fremat, spumet, dentibusque stri-  
 dat, membris conuellatur, & spasmus oculos,  
 aures, os, collum, pedes, manus distorqueat,  
 lapsusque velut domus à terræ motu quatia-  
 tur, contremiscatque, Epilepsia, caduco, mor-  
 bo comitiali, sacro, magno, fontico, lunatico,  
 viridello, puerili seu puerorum matre vel no-  
 uerca porius seu Herculeo correptus est: cadu-  
 ci & fulguris vna eademq; est generatio & co-  
 ditio. In contritu futuro primo obseruamus,  
 tempe-



tempestatem mutari, aeremque æstuosiores fieri, ita ut volucres, muscæq; hanc mutationem sentiant: sic pariter in corpore paroxysmo inuadente prodromus ægritudinis est, tentationis; facta mutationem in primis nubes coeunt, quæ tamen veræ materiæ pars non sunt: sic & in homine nebula oculis oboriuntur, incidit vertigo & visus obscuratio & somnus profundus: Hæc omnia in nebula illa proveniunt, quæ soporem & animi grauitatem induci: Hanc prognosin inquitur ventus, nihil suo loco relinquens, obuia omnia commouens & conturbans: similis ventus etiam corpus corripit, hominem ita conturbans ac concitans, ut nullo loco quietus esse queat, sed prorsum vrsus proiectetur. Si ventus istius modi quoquoersum perflarint, tum demum horredus tonitru fragor perstrepat, quo videmus cælum & terram commoueri: Eodem modo & in hominis vesica tonitru rupta corpus quatitur & iactatur, & ita ut interiora vniuersa tremant, sicut à tonitru externo terra concutitur, donec materia absumatur: Tonitru hoc causa est conuulsionis: conuulsio & iactatio nihil est aliud, quam eruptio violenta & ventus fortiter inclusus, is conuellit, extendit & frigefacit omnia membra: Et sicut cum tonitru coruscationes incidunt: ita ægre quoque oculi conuscant, & flammæ meræ oculis obuersantur: Et ut tonitru sequitur imber; sic



sic ægrorum iactationem etiam spuma sequi-  
 tur. Et uti videmus hoc tonitru terram made-  
 factam & vias lutosas redditas, ita ut aliquo  
 tempore opus sit, donec ad priorem statum  
 reuertantur: ita etiam in homine ratio, mem-  
 braq; ac corpus, sensus visus & auditus ali-  
 quandiu quiescunt, donec sol microcosmo il-  
 lapsam mutationem redintegret, & hominem  
 in pristinum statum reponat: ita tempestate fi-  
 nita serena sequitur dies. Hanc similitudinem  
 Paracelsus tomō 4. ulterius prosequitur. Eo  
 modo insilit tremor cordis, incubus, succubus  
 Epilepsia nocturna imperfecta, ἐφιάλης, si ex  
 à productione horum cerebrum non omnino  
 occupetur, quoniam flatus graues, densi & fri-  
 gidi sunt, in suo loco manent, & præcordia  
 comprimunt. Hunc Herculeum morbum qui  
 profligare nouit, huic merito, ut olim Hippo-  
 crati ob depulsam ex Illyrio pestem, diuini ho-  
 nores decernerentur; quos Menecrates cele-  
 bris huius morbi medicus sibi ademptos no-  
 luit, dum nunquā sane in publicum, nisi suis,  
 quos curauerat, stipatus purpura, vestibus, au-  
 rea corona decoratus. & sceptrum in manibus  
 velut alter Iupiter, gestans prodire solitus est:  
 Hic si etiam Apoplexiam curare sciuisset, for-  
 te periculum fuisset, ne Iouem cælo derurbas-  
 set, & se in ipsius subsellum constituisset. Ac  
 quis rem exustam faciet, ut exusta non sit? Aut  
 quis ex cineribus reconcinnare lignum queat?

C

Quic-



Quicquid fulgur ferit, id cōterit: si membrum vitæ lædatur, mortem infert. Si autem læsio fiat partium aliarum, quæ vitæ ipsi minime præfident, tunc ictus is morbum saltem, non mortem infert: prout enim membra nobilia sunt: ita vel mors vel morbus, isq; aut grauior aut leuior, tutior aut periculosior introdu- citur.

*Cura Gale-  
nicorum.*

Dogmatici nihil intentatum relinquunt. vniuersa auxilla, digestiua, purgantia, syrmaif- mos, enemata, sternutatoria, irritantia, re- pellentia, inunctiones, fumigationes, frictio- nes V.S. scarificationes, cauteria actualia & po- tentialia, aurum & argentum, vniones, vnicor- nu, & reliquos lapides preciosos, tam occul- ta, quam manifesta qualitate ad debellandum hunc atrocissimum hostem in subsidium vo- carunt, sed frustra. Purgatione vtuntur, vt pi- tuita & Melancholia, quam statuunt morbi causam, euacuetur, quæ est illorum sententia vndiquaq; peccans. Acribus vtuntur clysteri- bus, existimantes eos à toto corpore purgare: Cum tamen enemata solum irritent intestina ad expulsionem: proinde mox iniectum me- dicamentum expellitur, nec ad actum reduci- tur, nec malum est in stercore; forsan aliud est fluida, nec non raro expultrix in morbi ipsa ac- cessione ob tam feroces motus, urinam & ster- cora magno impetu eiicit. Syrmaismus, cum solum ventriculum euacuet, non curat cerebri affectus.



affectus. Et quis non intelligit, quam in hac  
 agitatione ventriculus infletur, tendatur, æ-  
 stuet, transuersum septum prematur, pulmo-  
 nes arctentur, cordis semitæ, quas liberas esse  
 & permeabiles oportet, stringatur; vt omnino  
 mirum videri debeat, si non celerius in hac  
 colluctatione infelix homo præfocetur, non  
 quilibet, vt canis, ad vomitum procliuis est.  
 Sternutamenta acrida, & quæ palato, vt theria-  
 ca, confect. anacardina, diatrionp. affricantur,  
 quamuis facultate ad expulsionem irritent;  
 verendum tamen est, cum totum corpus tot  
 horrendis motibus concutitur, ne materiæ  
 peccantes ad partes nobiliores violenta ster-  
 nutatione detrudantur. Suffumigium cerebri  
 ventriculos ingrediens, quicquid mali in eo  
 continetur, sursum propellit. Vnius enim in-  
 gressio, est alterius propulsio, mox maiori im-  
 petu cum materia peccante retrogrediens, in-  
 uenit adhuc nares suffumigio repletas, cum  
 corporum non detur penetratio, vehemētius  
 cor & iecur percellit, cerebrum stimulat, &  
 perturbatum magis irritat. Quippe qui natu-  
 ralium rerum habentur peritiores, in suis li-  
 bris decantant, idq; obseruatum perhibent,  
 cum quis caprina pelle contegitur, & aqua  
 frigida conspergitur, si comitiali tenetur, è ve-  
 stigio concidit, ac se prodit. Succes si caprini  
 cornu, gagatis, myrrhæ, naphthæ, sulphuris, pi-  
 cis, mercurii sublimati, allii, apii, Petroselini,  
 C 2 suffitus,



suffitus, naribus subiectus, conuulsiones concitat; Hinc constat, quod nullum suffumigium tuto adhiberi possit. Odoramentum autem ex Galliarum & Moscho tam fortem impressionem auertere non possunt: cum odoratus & reliqui sensus dormiant & quasi catenis conuincti detineantur, sensu motuque destituti caudicis instar immobiles iacent vel decumbunt, odoriferis minime expurgantur. Venæ sectio si plethora non adsit, corpus debilitat, vires, quas custodire oportet, enervat, & sub iudice lis est, an ex pede vel brachio sanguis sit mittendus. In ipso accessionis vigore, si mittatur sanguis, periculum est, ne æger intereat in manu chirurgi: quod non leue dedecus esset Medico. Quinimo quod rite obseruauit Cælius Aurelius. In accessione sanguis quasi concretus est, unde etiam, si aperiatur vena, parum vel nihil sanguinis exit.

Post paroxysmum veniam secare vanum est. Reuulsione, quæ per cucurbitulas cum vel sine scarificatione fit, nervi, musculi, tendines, à morbo victi debiles & defatigati contrahuntur, magis diuelluntur & resolvuntur, thorax comprimitur, difficultas respiratio augetur: Hinc Apoplexiam frequenter Paralysis sequitur. Cauteria potentialia non nisi longo tempore humores auertunt & eruntant. Hoc vero malum nullas indicias parit, subitaneum requirit auxilium. Cauteria actualia cum

tim



tim quidem exurunt; sed locum affectum non  
 pertingunt, & si pili igne accendantur, & com-  
 burantur vel euellantur, non tamen ob id per  
 cranium inclusus in cereb. o vapor, multo mi-  
 nus crassus humor in locum eorum succede-  
 ret. Similiter inunctiones ex oleis, axungijs  
 & sæuis nuchæ applicatæ, ob suam crassitiem  
 nucham vix n. ad faciunt, non permeant, non  
 locum affectum pertingunt. Quare nec reuel-  
 lunt nec discutunt, nec materiam peccantem  
 consumunt. Aurum & argentum limatum &  
 lotum, vniones, vnicornu, corall lapide. Sap-  
 phirus, Smaragdus, fragrantia contrita, lupi  
 piscis ossa, viscus quercinus, spodium, caphu-  
 ra, o. succini Spu. vitrioli, sanguis humanus,  
 turturum, columbarū, ol. & sal. crani huma-  
 ni, lingua pauonum & lusciniæ, virgula Alcis,  
 cristæ viuis gallinacis detæ, fel ardeæ præptm,  
 castoreum, leimen pœoniæ, sinapi, ruta & a. a  
 dogmaticorum arcana, à proprie. ate occulta  
 malum hoc depellentia, vt plurimum, parum  
 aut nihil profuerunt, & demum deuentum est,  
 vt Eunuchismum maxime commendarint: ve-  
 rum quam pie & humane, ipsi viderint: cum  
 & si. e testibus Epilepsiam & Apoplex am-  
 currere possint.

Quid igitur tandem agendum? Curæ omnis  
 summa eo dirigi debet, vt mercurius in hu-  
 meditatione permaneat, ne eleuatione à cate-  
 ris segregetur, acuitatem & summas potesta-



tes contrahat; sed in mucilaginositate sua, in debita sulphuris & salis harmonia & amica cōiunctione conseruetur, eo præstito, cura absoluta est. Quid vero mercurio magis adhæret, & ei intime agglutinetur, quàm mercurius? Mercurius Essensificatus, purus, & dulcis manna, & tanti mali fuga est, arcanum vitæ nostræ, in qua vita longa absque morborum cruciatu gliscit, verus orizei succus, in quo vis & operatio tam insignis & admiranda est, vt gradus ad mercurii correctionem & emendationem nullus sublimior inueniri queat. Mercurius in mercurio emendatur, nec contrarium contrario impendi, sed proprium ad suum innatum accommodari debet. Nam cura omnis ex eo procedit, quod morbum & eius locum generauit. Huc famula i possunt arcana externa, de quibus Paracelsus tractat. 2. de morb. tract.

## MANNA MERCVRII.

**M**ercurius tantisper sublimationum coloribus eleuetur donec in fixam crystallum abeat. Hoc sub solis Eclipsi, vel spiritu primi vegetabilis per repetitas destillationes & digestiones in ol. dulce soluito, solutum cū sole coniungito, vt fermentum eius hoc ipsum fiat, & coagula iuxta Hermetis præceptum.

CAPVT



## CAPVT IIII.

*Morbis mercurialis sublimati  
Stigma.*

**O**MNES ægrotudines, quæ interius pun-  
ctiones cum feruore cient, apostemata  
sanguinea infligunt, plenitudinem circa pectus  
aut sitim mouent, adeoque morbi calidi absque  
mercurii accensione, hoc est, febre, sicci &  
acuti sunt, ex mercurio sublimato oriuntur.  
Intensus digestiue virtutis, exercitii, vel astro-  
rum calor mercurio insito vel inserto poten-  
tior illum eleuat, agitaturque velut lignum quod  
ab intenso solis ardore incenditur & ardet: Sic  
quoque mercurius ab externo peregrinoque  
calore ascendit, incenditur & subtiliatur, ut ad  
essentiam supremam perueniat, tunc nequi-  
tiam suam perficit, maniam, phrenesin, amen-  
tiam, syncopen & vesaniam illam, quam Me-  
lancholiam vulgus vocat, gignit. Hæc & alia  
plura symptomata ex mercurii spiritu gignun-  
tur, qui ascendens, exitusque quærens, ce-  
rebrum & cellas memoriales & iudicii lædit.  
Si spiritus mercurialis præcipitatus, meningas  
penetret, Maniam, phrenesin, typhomaniam  
& paraphrenesin suscitatur: si dimidiam capitis  
partem infra cutim ferat, hem cranium effi-  
cit: Si forriter se membranulis se inserat, cura-  
neum inprimis dolorem, nempe Cephaleam,  
clauum, galeam: Si leuiter tantum attingat, ce-  
phalal-



phalalgiam, quam Arabes Sodam vocant: Si musculos vibrat, capitis dolorem cum sudore: si cordis capsulam, palpitacione mouet: Si laryngem & fauces subeat, fit angina, squinantia, synanche, cynanche, pa. acynanche dicta: Si diaphragma inquinet, pleuritidem ingerit. Si liquorem vitæ apprehēdat, pestes, anthraces, post aures, axillas & inguina protrud t. Quicquid mercurius sublimatus sua volatilitate apprehendit, illud frangit & dolore premit, absque flamma, sola rubificatione seu ignitione se prodit. Mercurius enim in fumum abit, calefit & ignescit; sed non flagrat, non ardet, non liquefcit, quod propriū sulphuris est, & tamen mercurius sublimatus sæpius suo calore ac motu sulphur accendit: Tunc mania, angina, pleuresis, pestis cum febris, periculosiores & magis lethales sunt, quā sine sulphuris ardore. Dolores ab intemperie excitati cum ad morbos externos referantur, facile suo contratio sedantur: Qui vero à mercurio sublimato infliguntur, constanciores radices figunt, nec per purgationem expurgari volunt; cum humores capitis dolorem non inferant, non imaginationem peruerant, quæ in Melancholia, mania, pleuresi & peste lædatur; Demus? Quod crassus humor in cerebro colligatur: minime tamen is imaginationem, discursum & memoriam peruertet, cum nihil intellectū nostrum ingrediatur, quod non ab omni materia sit denuda-



nudatum, sensus communis phantasma elicit; unde species intellectibiles, quæ imaginationem & discursum regunt, spirituale quidem in corpus agit; sed non corpus contra in spirituale.

Quod igitur crassum est, imaginationem non destruet, nec phreneticos, nec minaces ad quævis miracula patranda agiles & propensos; sed potius stupidos & ignavos reddit; Spiritus solum tantam vim in imaginationem habent, ut non tantum opera propria; verum etiam externa vario & diverso modo fingant, eaque instigant, ut præter communem hominum sensum, absurda imaginentur, loquantur, & prave operentur. Externa, quæ dolorem capitis, maniam, phrenesim luscitent, pituitoso vel Melancholico humore non scatent, ut sunt dactyli, crocus, Myrrha, oliuæ, grana sauinæ, paradisi vocata grana, gran, lupin, fellis cerebellum & hisce similia, in minima quantitate deiora homines à ratione deiciunt, ut ne seiplos quidem noscant, idque præstant, non humorum qualitatibus, non superstitionis virtute, vel veneficii potentia, malorumque spirituum concursu; sed ex interna & propria natura, conditione, virtute insiti mercurii. Horum compages ab Archæ soluta mox mercurius sublimatus in iis abundans anteriores cerebri cellas obrepit, rationem evertit, quia tamen ob tenuitatem totum non impet, nerui,

C

s

ut in



vt in Epilepsia, non vellicantur. Stultum esset  
 credere, quod Dactyli, crocus, myrrha, grana-  
 salinae, pituitam vel Melancholiam producāt,  
 vel in eam tam breui temporis spacio trans-  
 mutari possint, vt tam cito memoriam euer-  
 terent: nec purgantibus alleuiantur, sed di-  
 scutientibus, exercitio, somniferis eorum po-  
 testas infringitur & paxamica reconciliatur.  
 Pestem & reliquos anthraces, carbunculos &  
 apostemata sanguinea, ex vapore venenoso  
 gigni, cum Endemii, epidemii & sporades sint  
 morbi, soloq; afflatu transp'antentur, conie-  
 ctare non erit arduum. At qualis ille fuerit, &  
 ex quo genere Veneni haecenus malum illud  
 prognatum, paucis fuit cognitum. Putridum  
 aerem omnes accusant, sed quomodo corpus  
 inuisibile & prorsus spirituale putrescat, pauci  
 norunt. Aer inuisibilis quidem substantia: at-  
 tamen corporea; Ex primis ergo vt constet,  
 necesse est, Sunt autem in ipso aere tria prima;  
 soluta, aperta, libera: ideo aer cuncta perflat,  
 penetrat: sulphur congelatum in ipso aereum,  
 hoc est, in atomos dispersum, aerem sic cum-  
 reddit, mercurius ei motum praeter alimento-  
 sum cremorem impertit, vnde humidus cun-  
 cta creata nutrit: à salis spiritibus tenuitatem  
 nanciscitur, vt cuncta permeet: Similiter ignis  
 ratione sulphuris inhaerētis flagrat, sicut naph-  
 tha, quæ aqua non exstinguitur, ratione mercurii  
 lucet, spiritus salis in eo vrit: Diuersitas  
 autem



autem actionum diuersitatem subiecti & primi Entis postulat, quæ in tractatu de morbis salinis cap. de elementis morb. & mort. prolixius declarauimus. Resoluit igitur sese sulphur per sp. salis in liquore mercurii, & factus est aer à cælo vsq; ad terram distributus: ideo albumen cæli medium interstitium, clarum chaos, subtile & diaphanum vocatur. Omnis enim crassities, siccitas & congelatio primorum corporum in eo soluta & segregata sunt, nihilq; aliud est aer, quam fumus inuisibilis sulphuris, mercurii & salis, sine quo nulli uereliceret. Aeris igitur sulphur, si in sale humido soluatur ac segregetur, mercurius salis spiritibus sublimetur, tunc acuitur, ac summam tenuitatem & peruersitatem contrahit. Hic tota materia seu substantia spiritibus naturis, sulphureis vitalibus, vitalium actionum opificibus contrariatur. Hæc aeris alteratio fit ad mentem Hippocratis, quando in æstate pluit guttatim, tunc aeris sulphur in lena pluuia dissoluitur, & aer fit nebulosus & turbidus. Mercurius in forma albi pulueris supra arborum folia cadit, & in aere volitat, qui attractus pestem parit. Hic venenatur: mercurius tantæ est actiuitatis, tantæ potentiæ, vt omnem, offit maculare humorem, vnde nec sanguineis, nec melancholicis, nec phlegmaticis, nec cholericis parcat. Atque temere nonnulli comminiscuntur, minus metuendum esse iis, qui poros



ros constrictos habent, cum venenum hoc adeo subtile & potens sit, vt sæpe per oculos recipiatur: receptum vero confestim magna celeritate spiritus nostros vitales adurit, oppugnat, & in suam naturam eos fingit, formatque, salem sub axillis, auribus vel inguinibus coagulat, sulphureos spiritus nostros accendit, cor perfodit, cerebri membranas inflamat, vnde ardores, punctiones, capitis dolores, difficiles respirationes, cordis palpitationes, mania, phrenesis, syncope, animi deliquia, & alia horrenda symptomata, vt ex illis somnibus malis in peste concurrentibus conuincitur, hæc cuncta ab vna communi causa mercurio sublimato excitari: Quæ in tractatu nostro de morbo mercuriali declarauimus, nõ opus hic repetitione. Hæc furia non raro integras ciuitates depopulatur, non vlla alia antidoto profligatur quam quod Xeneston impertit. Caue, ne arbitreris, nos paganicum amuletum Hydragrym nuci acellanæ inclusum intelligere. Mercurius est, qui leui artificio à rebus, in quibus dominatur, separatur vitali potestate, virtute daphoretica ex purissima dotata, omnem mercurium sublimatum per insensibilem transpirationem dissipat & consumit, cataractas cæli aperit, calorem omnem extinguit, lassaque membra reficit. Ex vegetabilium regno Artemisia in solium suum enecta, cuius ætis alius serenitate, claritate, suauitate & potentia præfertur.

Cuius



Cuius sapiētia tanta est, vt facile hunc hostem vincat, simul per sudorem, vomitum, sedes & vrinam, natura duce è corpore humano hanc nefandam furiam cum omnibus suis satelli-ibus, ascaridibus, cucurclaturis & lumbrici. eiciat, nec huius reginæ potentia æquiparatur, Imperatoria Angelica, Athanas. Ambr. Theraca, Mithrid. Alkerm. conf. de smarags. de hyac. de ouo & alia hisce similia. Cum mercurius in iis omnibus à cæteris tincturis & potestatibus nō sit depuratus: morbus autem omnis eo curetur, ex quo oritur, autōre Hippocrate. Nullus, inquit, morbus auxilii & remedii est expers: pleriq; h sipsis curantur, à quibus etiam nascuntur. Non tamen refragamur, ex odoriferis, aromatibus, viperis, & preciosis lipidibus Bezoardicam v rētem extrahi, si multum labor sipsis impendatur. At frustra vinum adustum ex plumbo, ex stramine vel pumice comparem, cum id vinum & frumentum leui adhibita sparatione copiose elargiatur. Ne igitur arcanorum inquisitores laboribus defatigemini, mementote Xeneston verum Elixir ex auro erui, eius spiritus summum huius mali est Alexipharmacum; quippe in pestis cura cum ea vulpus sit, aliud considerandum non est, quam vt incarnatiuum præbeamus. Aurum autem incarnatiuum est maximum, si à rubro eius mercurio vis laxatiua sursum adimatur: in omni enim auri præparatione, id



ne, id summum est, ut ab eo id auferatur, quo non opus est, si in peste purgandum non est. Sol autem est laxatiuum, confortatiuum, constrictiuium; laxatiuum spiritu mercuriali esui. no auferatur, cætera conseruentur.

## X E N E S T O N.

**A**V R V M per ignem calcinatum sublimetur cum salmiac. sæpius sublimatum in sp. Tartari per mensem circuletur, seu coquatur, donec abeat in mercuriū, tunc præcipitato, dulcorato, & vim laxatiuam spiritu mercuriali acetofo adimito.

## C A P V T V.

*Morbus Mercurialis, Mercurii præcipitati Arthritis.*

**M** E R C V R I V S præcipitatus Digestione, circulatione adeo subtilis fit, ut propter naturæ potestatem interiorem nihil ei resistere queat, cum reliquæ duæ substantiæ propter caloris intensiorem, cuius vi reprimuntur, ipsum edomare nequeant. Hinc vsq; adeo subtiliatur, ut & carnes & ossa penetret, atq; non per poros tantum, sed etiam extra illos transudet & peruadat: Quamobrem non tantum in artuum, manuum, pedumq; articulis sedem figit,



figit, sed etiam capitis iuncturas seu cōmissu-  
ras duorum ossium cocuntium cartilagine aut  
medio alio iunctorum occupat, veluti os nasi  
& frontis, & quæ galaxicis poris diuiduntur, vt  
ossa ceruicis, maxillarum, amygdalarum, men-  
ti, regionis aurium, oculorum, & horum orbi-  
tæ, vbicunq; huiusmodi in capite coalitus & di-  
uisio ossiū, aut porosa galaxa apparet, ibi mer-  
curius præcipitatus sæuiat, à co'lo per vniuer-  
sam spinam, vt omnia ossa axillarum, humero-  
rum, furcularum ac spondylos omnes, vsq; ad  
coccygos os, vbicunq; articuli intercurrunt &  
synouia viger, in exordiis & terminis, vbi car-  
tilaginibus ossa vniuntur, in thorace, pectore,  
in coxa, femore, osse sacro, genubus ac genuū  
poris seu spongiis extremitate inferna cruris  
& malleolorum ac cæteris omnium ossiū iun-  
cturis. Item superius in brachiis, vbi os hume-  
ro inferitur in cubito ipso & eius omni ambitu,  
in carpo, in omnibus caviatibus, vbi duo ossa  
vniuntur aut coniunguntur, mercurius præci-  
pitatus suam exerit nequitiā, siue conciterur  
à cibo, vel potu, siue à periodis lunæ & empe-  
statum à Venere, Marte, via, exercitio, balneis,  
quod æger Medico melius nouit, nec id facile  
ex volatu alituum seu auium, vrinæ inspectio-  
ne, pulsu, pulicem morfu diuinetur, nec mul-  
tum in curatione negotii faceffit, à quocunq;  
fabricatum sit, factum infectum fieri nequit.  
Transcunt luna, maris, venus, crapula Arthri-  
tidem



ridem Medico auertendam reliquerunt cum  
 tumore, calore, rubore, nouissime materiae  
 magna induratione sequitur, qua artus à se in-  
 uicem diducuntur & distenduntur, ipsaque  
 proportio membrorum Geometrica peruer-  
 titur, distorquetur, articuli occalescunt, indu-  
 rantur nec flecti queunt: vbi omnium postre-  
 mo lapides in articulis nascuntur, vt propter  
 nimium eorū augmentum aëgris pereundum  
 & occumbendum sit. Eius morbi dolores im-  
 manissimi, non ex affluxu pituitæ, bilis, Me-  
 lancholiæ aut serosi humoris irretiuntur spi-  
 ritus berberizati, aluminosi, acetosi, æruginei  
 ex intima ossium medulla, tanquam ex lacu ve-  
 nenofo eructantes, synouiam, candidam illam  
 virginem, tremorem vitæ dulcem appetunt,  
 eo ipso in momento maximum suscitatur in-  
 cendium, haud aliter, quam aqua fortis in qua  
 ferrum solutum, si repente cum oleo Tartari  
 cōmisceatur, citra pyracmonis opellam sese  
 mutuo incendunt, vt flammæ eructent. Non  
 aliter ingens duellum, vehemens ardor, ma-  
 gna inflammatio, commixtione mercurii a-  
 cetosi & dulcis synouiæ excitantur, nec æger  
 alud sibi imaginatur, quam quod sentit mem-  
 bra ipsa quasi flammis vri & exagitari. Sicut  
 enim ignis & aqua si combinentur, ob contra-  
 riam naturam fumum vrentem eructâdo sese  
 mutuo iugulant, idem & in hoc affectu euenit.  
 Spiritus acetosus agit in vitæ cremorem, hic  
 agit,



agit, vnde fumus acutissimus ligamenta, nervos, tendines vibrat, & nisi vitæ cremor ob excitatos dolores vicina membra in subsidium vocaret, mox utique succumberet: Verum caro musculi, & fibrosæ partes suum liquorem ad locum affectum mittunt in synoviae subsidium, vnde tumor, quo tandem spiritus acetosi suffocantur, tum efferuescētia spirituum cessant, dolores mitigantur, & synovia victoriam non sine ligamentorum, nervorum ac tendinum lucta & luctu reportat. Cæterum videmus, acetum tepido lacte infuso, confestim coagulum fieri, quod in durum caseum transit: idem hic quoque animaduertimus, ex utriusque spiritus acetosi, & dulcis synoviae conflictu fit coagulum album lapidescens, quale ex incisis podagricorum tophis eximitur. Utriusque igitur una est generatio, res una, effectus unus. Synovia nihil aliud est, quam lac dulce, quo corporis partes aluntur & nutriuntur. Spiritus præcipitatus esurinus nihil aliud est, nisi acetum. Hæc ob contrarietatem se nunquam compatiuntur, ubicunque se offendunt, digladiantur, duratque hæc pugna, miseranda hæc carnificina, donec alterutrum vicerit. Dogmatici ex partium affectarum numero & ordine, sequentes huius mali constituerunt differentias; Si spiritus acetosus carpi & digitorum synoviam impugnet, chiragra nuncupatur: Si malleolorum vel digitorum pedum articuli doloribus

*Synovia  
quid?*

D

illis



illis excrucientur, podagram appellant. Si genua infestentur, Genugra: si in coxendicis aut inguinum regione inferna adsit, Ischiadicum dicunt. At quando simul multi articuli doloribus diuexantur, Arthritides nuncupantur. Quorum omnium vna est generatio, vnus modus, vna curatio. Nec in Petro ex pituita, in Paulo ex bile, in illo ex Melanch. in alio ex permistis humoribus hoc malum nascitur: Vnius enim morbi vna est generatio, non varia. Filix vvas non profert, nec quercus mala granata. Podagræ corpus est inuisibile . . . . . forma vel index seu prænunciator doloris acuti; non tamen exulcerantis in articulis, non vagum, vel indefinitum, sed ex certo prædestinato stiptico spermate plane inuisibili nascitur; quod eius principium satis declarat, in quo illico acerbissimi dolores sentiuntur, nullo humorum confluxu, nullo tumore apparente, solum ruboris vnico puncto se prodit; qui sane rubor flamma ignea, erodenti flos, nullius pituitæ, quæ alba, nec bilis quæ flaua, nec Melanch. quæ nigra est, fructus seu soboles sunt. Quod si rubedinis originem in mercurio præcipitato esurino latere cognouissent, dudum Galenici bilem, pitu tam, melancholiam cum cæteris humoribus ex morborum lithurgia eliminassent. At quomodo crassi tumores ob genuinam topicorum medicamentorum adunationem ex vno membro in aliud transirent?



# REFORMATA.

si

lirent? Ex sinistro pedis articulo in dextræ manus digitos commearent? Non tamen aliter Podagra se gerit: medicinæ & ipsi medico illudit. Res fere eadē est, ac si quis infanti pomum ostendat, non tamen porrigat: ita & podagra Medico illudit: dum enim iam remissior videtur, è vestigio cum doloribus multo atrocioribus in aliud membrum insilit: idemq; fere hic accidit, quod domino cum Morione suo coludente, vbi Morio medicus est, dominus autem morbus. Ad hunc sane illusum non crassi humores, non sanguis, non bilis: sed agilis & mechanica intelligentia desideratur. Hinc mirum videri non debet, quod Podagra incurabilis in scholis proclamata est, in intimis ossium medullis sedē locauit: quæ si Medicinam subolet, mox retro graditur & in antro suo fortiter munito se occultit. Ad lunæ aspectum iterum egreditur, medicum prouocat & more suo ludit. Quicquid tamen in corporum Anatomia peregrinum, quicquid superfluum est, adimi potest; alioquin trāsplantatio inane erit nomen: quamuis magna industria, constantia, & perseuerantia sit opus. Radices enim podagricæ in lithurgia humana, longa digestionē & circulatione ad exaltationes & extremitates potestatum, fixarumq; tincturarum authores perueniunt, nec crudæ ac indigestis medicinis obedire volunt: frustra enim innoxia intestina clysteribus acutissimis, suppositoriis &



mille tormentis defatigantur: frustra ministrè-  
 ria pil. aggg. & fortid. ex hermod & cum helleb.  
 troch. alhund. iracundiora reddita aduocatur.  
 Mercuriales spiritus siccas coagulationes mo-  
 lientes nō expurgari, sed exterius mumia, non  
 carne humana exsiccata; sed bubulina recen-  
 ter mactata resolui debent, humectari, sudore,  
 madore, vel insensibili transpiratione discuti:  
 ita tamen, ne mitigatis doloribus, caloribus &  
 dolorosis omnibus sympt. violenta fluxionum  
 attractione sopita requies naturæ concedatur,  
 & corroborata synouia vicinisq; partibus tam  
 inimicos hospites non facile in posterum ad-  
 mittant. Hoc consilium in omnibus morbo-  
 rum curationibus locum habet; Mania, ce-  
 phalalgia & similes morbi dolorifici duplices  
 habent medicationes particulares: Quædam  
 enim dolorum vehementiam respiciunt, &  
 topica medicamēta anodyna appropriata pro-  
 priam mumiam concupiscunt. Quædam vero  
 radices ipsas, resolutionem, consumptionem,  
 ablationem morbi postulant. Huiusmodi siue  
 ex vegetabilium, siue ex animalium, siue ex  
 mineralium œconomia aduocentur, præpara-  
 tionem & virtutum exaltationem requirunt.  
 Quis recte corporeos spiritus spiritualibus  
 tincturis vnquam opposuit? In vanum surre-  
 xerunt gigantei aduersus Iouem, rectius pyg-  
 mæi cum Græuis certamina instituunt. Re-  
 soluentia, mitigantia & corroborantia mixtio-  
 nem



nem admittunt, & vno eodemq; balsamo absolui possunt, in vno vitæ Mercurio amica conjunctione coadunata sunt, quo radicitus podagricæ tincturæ tam interius assumpto, quam exterius suffumigio eradicantur. Huius vires ex specifica sua prædestinationis qualitate tam potentes existunt, vt purum ab impuro, vetus à recēti, senectutem à iuuentute, manuum & pedum vngues eiiciendo & pilorum canorum radices euellendo efficacissime recuperet. Hic Misochymici cum stulta plebe obstrepunt; Medice cura te ipsum. O male feriat genii vox flagris digna; Quod Deus & natura transplantationum lithurgiæ abnegarunt, prætolari audes? Audin' carmen Euripideum contra Carneadem, quod flos illibatus populi Suadæque medulla. Tullius in Tuscula. tuetur. Mortalis homo est, quem non attingat dolor morbusque: multi sunt humandi liberi, rursus creandi, morsque est finis omnibus, quæ generi humano nec quicquam afferunt: Reddenda est terræ terra, tamen vita omnibus metenda, vt fruges, sic iubet necessitas. Hanc mortaliū nūllus fugit necessitatem, quocunque tandem dolore morbus irruet. Qui ex propria intemperantia podagrici dolores obnascuntur, Aonidum arte leniri & funditus tolli possunt: Quos tamen Galenici incurabiles proclamant. Quapropter à Paracelso hoc sarcasmo perstringuntur: Nescit tartaream Ro-



ades curare podagram. Qui vero ex parentum  
 femine, iubente necessitate digestis maturita-  
 tum & exaltationum temporibus quieto si-  
 lentio expectatis efflorescunt, nulla arte stan-  
 te via eradicari queunt: quoniam mali causa  
 solidas partes corporis constituit, iisque intime  
 adhæret: Quarum resolutio certis tempesta-  
 tum mutationibus in paroxysmum irrumpit:  
 conetur medicus, in quantum licet, tempus  
 prædestinationem, reliquarumque signatu-  
 rarum, transplantare, societatemque ad per-  
 niciem festinata celeritate ducentem interrom-  
 pere, penitus auferre non expedit. Leges enim  
 naturæ inuiolabiles sunt; contundas horum  
 impetus, incendium tamen semper recurret,  
 donec ad maturitatem & cōsummationem per-  
 uenerint. Interim prophylactica consolatio-  
 ne, Dei benignitate, hætenus non destituti à  
 contracturis & tophis membra vindicauimus.  
 At cui fortuna adeo constans obtigit, ut non  
 tantum experiatur, multa inter os & ossa  
 contingere, quæ singula enarrare, non est hu-  
 ius loci, nec propterea ab arcanorum inquisi-  
 tione animus abalienatur. Quamuis vuarum  
 maturitas in auumnum usque prolongetur,  
 tandem aliquando veritas & lux naturæ

emerget, *πανάναια* è vestis fimbria

enascetur, renouabitq;

omnia.

M E R.



# REFORMATA.

55

## MERCVRIVS VITÆ.

Aquam lacteam ex pi. reguli & duabus mercurii essenficati destillatum rectifica, solue, coagula.

### CAPVT VI.

*Morbus Sulphureus sulphuris congelati causa seu igneus ardor.*

**C**ongelatum sulphur à specifica suæ prædestinationis qualitate, constantem formam & fixam naturam obtinuit, vt omnem alterationem calcinationis, sublimationis putrefactionis, solutionis, coagulationis vim & potestatem omnemq; mutationem respuat, à nemine ob amicam & blandam suam dulcedinem, quam cunctis aliis impertit, subtiliter impetitur; sed vicinæ potius omnes huic languenti refrigerium & suppetias ferunt. Quapropter nulla alia affectione è suarum facultatum munere perturbatur, quam si vel motu, vel retentione calida expirationis, vel vicinia rerum calidarum accendatur: Ad ardorem & flagrationem solum propensionē habet. Hinc corpora seu mēbra plus sulphuris impuri participantia facilius accenduntur & altius flagrāt. Symbolum eius, quo à resolutō & coagulato noscitur, est id ipsum, quod nullam aliam alterationem patiatur, præter incensionem, nec

D 4

accen-



accensum foetet, nec multum fuliginis spirat. Coagulatum præter accensionem resoluitur, solutum coagulatur, cōmunicant hæc secum, quod pessimum foetore & fuligines in aerem spargant, vimq; narcoticam exaltata sensibus imprimant.

Spiritus sulphurini coagulati, sedem suam in corde locarunt, & per arteriam aortam ad omnes corporis partes feruntur, exinde ad singula membra reficiēda per διαπήδησιν trāsfunduntur, vt nulla eorum benignitate destituatur. Quocirca accensi non vnicam tantum actionem lædunt; sed igneo suo calore, ardore, flamma omnes in vniuersum violant, debilitant, abolent. Sulphuris igitur congelati à cæteris recessus, cauma, igneus ardor, flamma est. A diuersis locis affectis, in quibus spiritus accensi sulphurei gliscunt, diuersa nomina febrilis hæc furia fortitur: Si in cute sulphur accendatur, erysipelas, ignis sacer, herpes cutim deuastāt. Si oculum inflammant, ophthalmia: si in visceribus & membranis ardor sæuiat, à latinis inflammatio, rectius Græcis φλεγμονή, φλόγωσις & ἐπιφλόγισμα igneus ardor & flamma dicitur. Si in venis ardeat, febris diaria, si in arteriis Ephemera, si ardor æqualiter perseueret, σύννοχος, ὁμόλογος. Si illico decrescat ἐπιμασική: Si ascendat, παραχμασική dicitur. Si in venis & a teriis simul flagret, fit synochus putrida, Si & in his & in cæteris cauitatibus



uitatibus accendatur, caufos dicitur lypyria, quando flamma adipem liquefacit, vnde externa frigent, in internis vrentibus: hæc in Helodem tranfit, fi totum corpus inftar affatæ carnis diffuat. Si pectoris tunicis inhærens sulphur flammam conceperit, Affodes: Si in cordis vicinis partibus, idem sulphur inflammetur, cardiaca, in solidis partibus, hectica, marasmus nuncupatur. Hæc caufam, vt cum Galeno loquar, non habent. Intermittentium febrium forma licet in ardore sulphuris confiftat; fomentum tamen habent, quod diffolui & expurgari debet. Quam ob rem intermittentes ex verorum morborum ordine eliminantur, & ad externos morbos, ad obstructionem & auctam magnitudinem referuntur. Febris quotidiana fit, quando foetidum sulphur cum diffoluto mercurio & impuro fale in ftomachi vacuitate in globum conglomeratur. Si in regione hepatis talis massa coaceruetur & accendatur, fit tertiana. Quartana, fi circa lienem fimilis materia congregatur: Quarum periodicationum caufas, productiones & curationes in tractatu nostro de morbis sulphureis explicuimus: acta agerem, fi illa hic repeterem. Præuideo hunc nostrum sermonem primo intuitu à Pseudo Galenicis, mille ludibriis contemptum iri, quibus inexpertum vulgus facile applaudit, cor nostrum ipfius ignis violentiam ftante vita in momento quidē perferre poffe: fi

D s tamen



tamen hæc nostra dicta & experimenta paulo  
 altius, quam ad Galeni censurâ ruminauerint,  
 futurum omnino mihi persuadeo, vt, quam  
 doctrinam antea irriserint, ambabus ample-  
 xentur manibus, nisi conscientia improbitate  
 compulsi, quanquam veterum præclara mo-  
 numenta pro stultitia & crassa ignorantia irri-  
 deant & flocciendant, cum quibus ego lucta-  
 ri nolo: Vos vero arcanorum inquisitores hæc  
 pauca obseruate; si nuda intemperies seu sim-  
 plex caloris excessus in corde febrem suscita-  
 ret, nulla daretur intermittens. Intemperies  
 enim facta nullos circuitus obseruaret; sed  
 continuo vreret & ad sui destructionem vsque  
 fixa in corde hæreret, actionesque læderet: At  
 in intermittētibz cōsumto paroxysmo ægro-  
 tantes validas iterum exercent actiones, neq;  
 ægrotare videntur, nisi aliunde actio quædam  
 læsa sit. Veligitur febris intermittens non est  
 febris: vel in intermittentibus in corde nulla  
 est intemperies: hæc enim actum suum nescit  
 suspendere: Maius ergo incēdium in febribz  
 suscitari oportet, quod sane causo correpti sen-  
 tiunt, quoniam viscera igne exuruntur, quam-  
 uis eius flamma sub aspectum nostrum non ve-  
 niat. Neque quouis modo calor, quod nobis  
 cum dogma icī fatentur, licet vergat ad ignem  
 febris est, sed cum adeo igneus redditur, vt vi-  
 cū muneribus officiat, ille, qui nōdum eo perue-  
 nerit, vt actiones lædat, neq; febris censetur,  
 neque



neque morbus. Quapropter febricitates non dicuntur, qui ex labore, ex via, æstu incalescunt, ante consuetorum innumerum vacationem. Febricitantium igitur calor eatenus necesse est ad igneum vergat, ut vitæ munia impediatur, calore in quibusdam partibus aucto. Gaudent enim quædam partes magis calore, quædam magis frigore, calidus poterit esse morbus, non tamen febris, nisi cor lædatur. Cor autem cum arca vitæ sit, maximum in sinu suo calorem fouet, quo maior citra incensionem nec incendi, nec dari potest, quam in corde fouetur. In huius finem substantia cordis firma & dura à Deo formata est, ut summus calor in ea conseruetur. Vita quid est aliud quam ignis, si per patet. doctrina adhuc triumphet. Hinc Anatomici asserere non verentur, in hominis corde tantum ardorem foueri, qui si manu per viuentis hominis cutem tangi posset, non secus eum, quam ignis urat. Simplex igitur calor ad quemcunq; gradum eleuatus cordis actiones nunquam euerneret. Huius rei euident testimonium Epilepsia, Apoplexia, Mania, phrenesis & reliqui morbi mercuriales perhibent: horum morborum peruersitatibus obnoxii præ nimio calore æstuant, sanguis in venis & arteriis efferuescit ac intumescit, nec non acerrimis & vrentibus doloribus excruciantur: nulla tamen febre præsentem: quæ si non raro superuenerit, æstuantem illos chronicos morbos



*Itali cuius-  
dam contra  
Germanos  
sermone.*

bos sanat; quod febris in æternum non præstaret, si nuda esset intemperies calida. Calor calorem non destruit, nec consumit, sed intendit, perficit, auget, cuius vis & actiuitas solum in mutatione, non in consummatione versatur. Ignis solū tam potens est, ut spiritus mercuriales omnemque corporis immunditiem dissipet ac consumat. Hoc forsā respexit quidam Italus, Germanos indignos reputans, ut Febre decumberent. In suppuratione vehementem calorem deprehendimus, qui ignis effectus æmulatur, in partibus ubi nullæ sunt arteriæ, pulsatur, carnem & cutim non secus ac ignis exurit, pustulas excitat, & cætera ignis munia exequitur: ut negari non possit, igneum calorem in qualibet suppuratione vigere: non tamen febrem accersit, nisi sulphurei spiritus accendatur, haud aliter, quam id, in putrefactione fimi colubini videmus; inde exspirantes acres fuligines adiacentes stipulas & festucas accendunt. Idem plane in corporibus nostris nonnunquam contingit, si suppuratio magna fuerit, vel circa arterias grandiores exitum non inueniens, tum siccas exhalationes cordi impertit, quibus spiritus incenduntur. Vbi igitur ignis effectus, ibi & ignem esse oportet, nec propterea admiremini vitam conservari posse, quamuis spiritus vitæ ardeant. Vita ignis est spiritus vitæ ex congelatorum sulphur. genere quid aliud, quam vere sulphur incombustibile? Hi spiritus ma-



sp. magnam latitudinem admittunt, quidam  
 cremabiles, quidam incremabiles, qui nō nisi  
 à magno igne ignescunt. Similes his videre li-  
 cet quando metalla funduntur : Ibi enim in  
 superficie ardentes spiritus variis coloribus tin-  
 cti, cærulei, rubri virides apparent, huc & illuc  
 concurrentes, ac si chireonomia inuicem lu-  
 derent, iucundum spectaculum visum mirifice  
 oblectans. Hi quamuis vere ardeant : non ta-  
 men subito concremantur : Cum his metallis  
 & fixis spiritibus sp. vitæ nostræ communicāt,  
 idcirco sulphur, sal victriolatum maximum  
 huius mali est & ἐξί. Φαῖμακον, neq; hi spiritus  
 fixi accenduntur, nisi morte iam imminente,  
 qui si ardeant, æger moritur. Horū spirituum  
 efferuescentia à ferrore arteriæ pulsant, nec  
 maiorem caloris intensiōem citra accensio-  
 nem permittunt, nec propterea citius sulphu-  
 re impuro accēduntur, ob subitanēum & per-  
 petuum motum, omnem alternationem & ex-  
 ternorum aētiuitatem respuunt : Ex ipsa enī  
 vita, hoc est, ex ipso ignis vliado tanquam om-  
 nis caloris & velocissimi motus vberri-  
 mo penu proxime in sanguinem profluunt, vitæque  
 actiones moderantur. Cremabile igitur sul-  
 phur & non fixum in febribus accenditur, cu-  
 ius incendium in adipem, carnem & musculos  
 sœuit : vnde hæ molliores partes colliquescūt,  
 vnde tandem sudor erumpit, quo ardor restin-  
 guitur. Hinc perecelebre veterum axioma ad-  
 huc



huc in ore vulgi volitat: Omnem febrem sudore terminari: siue æger euadat, siue moriatur, semper febris sudore soluitur. Hinc quoque liquet, cur febricitantium cadauera non in cineres conflagentur. Febrilis ardor, absumto vitali humido, cum quo vita simul exulat, in partes solidas admodum sæuiens, ex iis elementalem madorem elicit, quo flamma, ne corpora in Escharam comburantur, extinguitur. Hac de causa morte iam imminente externa algescunt, quoniam compages corporis soluta est, & corpora elementaria balsamicis naturis præualēt, quæ cum crassa sint, si & illa ardere contingeret, fieret ignis visibilis, quod fieri posse negamus. Partium enim colliquatione facta prædominio elementaris madoris erumpentis sulphuris flamma extinguitur: sicut exemplum pomi in carbones coniecti declarat. Hanc nostram sententiam confirmat curandi ratio per humida præsidia. Victus humidus, inquit Hippoc. omnibus febricitantibus conuenit: non, ut falso eius interpretes comminiscuntur, ob concomitantem siccitatem. Non enim Hippoc. sui adeo immemor febres quasdam valde humidas esse, quales illæ sunt, quæ τοφώδεις & εὐλώδεις Græcis nominantur, sub quibus primo statim die ægrotantes largius sudant, hic utriusque humidus victus non conueniret, nisi Hippocras. in omni febre ignis ardorem, tanquam formam febris statuisset:



tuisset: ideo simpliciter vehementiores febres  
ωυγ, hoc est, ignē appellat. Hinc liquet, quam  
turpiter hallucinentur, qui prætenu victus  
humidi butyrum, oleum amygd. dulc. earumq;  
lac in ardentissimis febribus concedunt & ne-  
scio quibus aliis oxyrrhodinis, sebis & pingue-  
dinibus frontem, dorsum & hepatis regionem  
inungunt, quibus maximum fomētum febrili  
ardori suppetunt, quæ angue pelius in febribus,  
Herpete, Erysipelate fugienda sunt. Non enim  
sulphur q̄ humidum est, ardorem restinguit,  
sed quod fixum & incombustibile ignis vehe-  
mentiam superat. Venæ sectio ad animi vsque  
deliquium Gal. authore febrim ardentem tol-  
lit, non quod sanguinis missio intemperiem  
tollet, hoc impossibile esset; sed quia ventum  
mouet, ardor sulphuris exstinguitur: Idem in  
locum sanguinis extracti venæ multum aeris  
frigidi fugâ vacui contrahunt, quo reliquus  
sanguis ventilatur, eiusque subitaneus motus  
incendia exstinguit, non aliter quam sufflatus  
ardens candela deletur. Hoc consilio Dogma-  
tici gloriam artis suæ consequuntur, si modo  
tempellius vena aperiatur; quo neglecto faci-  
le excusantur Catonis admonitu graui; Prin-  
cipiis obsta, &c. Aqua frigida vberissime hausta  
multos febricitantes ab imminente exitio, su-  
dorem prouocando, quo ardor sulphuris ex-  
tinctus est, liberauit. Dices: Frigiditate eque in-  
temperiem calidam tolli, non immerito tunc  
sciscitari



sciscitari licet, vnde sudor ille à potu aquæ frigida promanet? Palam est, quod frigus sudorem non prouocet: nisi tamen sudor sequatur, aqua frigida magis obest, quam prodest. Si dixeris idem hic euenire, quod in restictione calcis viuæ, vel lapidis igniti, quam primum calx vel lapis vehemēter calefactus, aqua aspergitur, fumigat: ita & viscera calefacta, si aquam persentiscunt, mox fuga contrarietatis exhalationes calidæ erumpunt, partes molliores inuadentes & mordentes sudorem & madorem exillis eliciunt. Quo plane concessio nolens volens fateris, viscera adeo cale fieri, vt igniculi in se foueant: Nisi enim lapis eo vsq; calefactus fuerit, vt in se empyreuma conceperit, licet multis aquis aspergatur, non fumigat. solum igniculi ex lapide aquam frigidam fugientes fumigant.

At hæc doctrina opinionem nostram non euerit; sed potius confirmat: Quoniam calida exhalat & ab igne non differt, quam vapor ab aqua: Congregatus vapor in guttas concrefcens, aqua est, exhalatio congregata in ignem condensata ignis est, quæ vltius Physica explicat. Vera febrifuga est, V. S. & sulphur fixum siue illud embryonatum sol vel iupiter, fixum siue illud embryonatum sol vel iupiter siue minerale fuerit, vtrumque curam perfectam absoluet: si rite & oportune administretur, solum fixum corpus est aduersum elementum ignis

*Cura febris  
viii.*



ignis & est elementum ignis saltem aduersus id, quod contra ipsum fixum non est. Quamuis aqua ignem debeat, non tamen sine magna turbationum, ebullitionum, fuliginumq; excitatione fieri potest quibus membra misere torquentur & fatigantur, ventriculi coctiones & actiones euertuntur, caput aggrauatur, multisq; & variis cruciatibus membra diuexantur: solum solis sulphur perfectissimam curā præstat, sudorem ex omnibus membris vberiorē prouocat; qui ardorem restinguit, spiritus sulphureos restaurat, & vi sua narcotica quæuis huius furie sæua symptomata mulcet: non operatur more opiatico, velut hyoscyamus, papauer, mandragora, verum tuto, placide, virtualiter sine omni infectione. Quapropter sulphur hoc vocatur sulphur philosophorum, quoniam philosophi omnes id vna opera studuerunt, vt vitam in multa secula protraherēt, saniq; viuerent, & morbis resisterent. Quam facultatem omnē in hoc sulphure inuenerūt potentissimam. Qua de causa id illi nominis indiderunt. Quomodo autem arte philosophica à suis vnculis liberetur, vt tam potentes actiones edat: Rex Heber abunde docuit, quem si non intelligas, tuæ imputa incitiæ: Panem filiorum canibus obicere non oportet. Hæc tamen hic clare omnia volo sulphura à victrolatis salibus separata huius esse ordinis quale in terra Lemnia, in bolo armeno, lap. bez. victriolo

E



vitriolo absconditum latet. Quibus mediis oculatiores Medici sæpe ardentes febres in simul ad amoliendos externos morbos coincidentes operam impendentes extinguunt: coincidentium morborum externorum ablatio per contraria nec in hoc nec in aliis vere morbis negligi debet: id quod à quouis pio & solerti Medico feliciter Medicinā facere volente requiritur. Quod hic admonuisse volo, ut si quis artis imperitior in arcana hæc nostra inciderit, ac se adiutū illis miracula patraturum confideret, spe falsus culpam in me non coniciat, sed in seipsum totam conferat. Qui enim nec à Deo nec à natura ad hæc secreta orgia vocatus, nec veram morborum cognitionem & combinat onem tenet, canonum & fundamentorum scientiæ Medicinæ expers est, holocaustum hic nullum inueniet.

*Sulphur Martis vitriolatum.*

**M**Artis sulphur spiritus vitrioli ex acido plane igneo extractum & rectificatum, volatilis vitrioli terram rubeam & virgineam cum oleo eiusdem mineræ dulci coniungito, & leni calore vnito. Est anodynum, si loco olei vitrioli dulcis ol. sulphuris acido terra virginea albumq; Martis sulphur coniunguntur, fit hydroticum.

CAPVT



## CAPVT VII.

*Morbus sulphureus sulphuris resoluti, coma  
seu sopor.*

**S**ulphur resolutum principium humidum  
oleaginosum in pinguedinibus, axungiiis,  
medullis & id genus aliis partibus tum laten-  
tibus & occultis, tum peruiis sese ostentat, vi-  
tales in corde facultates fitas fouet & susten-  
tat, à corde in cerebrum debito modo, tempo-  
re & mensura delatum, naturalem somnum  
cōciliat, cor & cerebrum suauis spirituum con-  
uentu & transmissione se mutuo mulcent: cor  
sulphureos spiritus in systole per aortam & ve-  
nam arteriosam in cerebrum mittit: cerebrum  
mercuriales virtutum expultricum & attrahē-  
tium operā: hinc contingit, nos post laborem,  
motum, ludos, exercitia, lassitudinem facile  
soporari: siquidem labor, motus, exercitatio,  
cerebrum & *ἀρετή* pulsum concitant, quo  
maior sulphureorum spirituum copia ad cere-  
brum defertur; vnde suauior fit somnus, simili-  
ter anima ad cantus, cum aquarum murmure  
intentata reliquorum sensuum quasi oblata, spi-  
ritus sulphureos ad se allicit, eosq; ad audiendi  
organū aduocat, quos sequitur iucunda quies;  
cuius beneficio ap. a constitutio conseruatur,  
viresq; instaurantur & reficiuntur. E contra  
immodicæ vigiliæ & intempestiua lucubra-  
E 2 tiones,



tiones, spiritus exhauriunt, consumto vitali succo mortem inducunt, cruditates pariunt, vires labefactant, sensuum functiones debilitant, ac multa alia viæ incommoda afferunt. Conueniens enim sulphuris resoluti circa mirabilem arteriam alexicacum, panniculos cerebri aut temporū venas, attractio, somnium omnium sensuum ligamen ad animantium quietem & salutem institutum conciliat. Si vero sulphur hoc immoderatus luxuriat, narcoticos & soporiferos inducit affectus, quos suscitatur & vi sua narcotica & inebrietate, quæ stupidos, socordes, obliuiosos, excitabiles ægre, & ad subeundos labores pigros, & inutiles reddit. Quamobrem somnus profundus, qui naturalem moderationem excedit, inter morborū causas & affectiones numerari censetur, cuiusmodi sunt coma, caros, catalepsis, lethargus, quibus & annumerantur vertigo & hisce similes oculorum læsiones.

Coma, sopor, cataphora, veternus, quocumq; nomine appellare libuerit, somnus est profundus cum difficilima excitatione, à spiritibus narcoticis. Hunc affectum qui experiuntur, tanta iis oculorum & palpebrarū grauitas est, quam sustinent, vt nec sine magna difficultate palpebras attollere & oculos aperire valeant, atque vt vno verbo dixerim, nec possint à somno excitari. Si quis eos excitare tentauerit, statim nouo somno opprimuntur, ac di-



ac dimissa inferiore maxilla, ore hiante & corpore ignauiter composito in lecto iacent. Si spiritus sulphurei solum anteriorem partem cerebri oppleant, ægri oculis clausis dormiunt, sine motu & sensu iacent, & quia malum est in syncope, caput grauat: propterea hic affectus caros dicitur, ἀπὸ τῆς κατὰ ὄψιν, q̄ grauari significat. Possidonius animæ perpulsionem, Celsus narcorē, Cælius Aurelius prescarium, Alabæus subeth, alii torporem, stuporem, ecstasin vocant. Si posteriorem cerebri partem peruadant, ægri in ea corporis figura permanent, in qua fuerunt corrupti, siue sederint, siue iacuerint, semper fere apertis oculis dormitant. Quibus si manum ante oculos quis ponat atq; moueat, oculis non nictant. Græci κατὰ χεῖρα, Catalepsin, Latini oppressionem, apprehensionem, detractionem, congelationem; Celsus ἀφυσιν, Arabes Alkastian appellant. Quando cauerna occipitis seu porositates ipsius narcoticis spiritibus obturatur, fit lethargus, in quo ægri frequenter oscitant & inter oscitandum sæpe obliuiscuntur os claudere, arrepta matula obliuiscuntur mingere, matulam deponere atq; adeo somno sepulti iacent, vt sola respiratione viuere intelligantur. Potentissimas dormitationes, quarum causæ cæcæ, abditæ & inscrutabiles nobis obliuiscunt, nos studio præterimus, vbi Epimenidem ferunt in spelunca dormitasse annos 57. ac tandem



excitatum non in apertum prodiisse, & omnium rerum faciem tam breui circa se immutatam attonitum stupuisse: videri namq; sibi perpaululum quieuisse. Damascenus compertum narrat, quod rusticus labore defessus in scæneo tumulto totum autumnum & consecutam hyemem perpetim dormierit, donec æstate scæno paulatim depasto expectectus tanquam exanimis totusq; extra se positus inuentus sit: Quemadmodum de 7. dormientibus, qui 97. annos, vt fertur, perseueranter dormierunt. Somnus profundus semper malus, qui mortales in Charontis cymbam plerumq; dimittit, siue primario & per se incumbat, siue ex consensu, consortii lege adueniat, affectus semper ferox est, quo omnes potentia organo corporeo affixæ, morte funditus intereunt, suisque actionibus omnino priuantur: quia igitur sensus externi, dum somno profundo tenemur, à functionibus cessant; ortum inde est, vt somnus teste Platone in Phæd. veluti mors quædam habeatur. Vnde Cic. in lib. de Senectut. Nihil videmus, inquit, morti tam simile, quam somnū, cuius lectus sepulchrum est. Vera & ipsissima mortis imago, vt non male somnus & filius καὶ ἀδελφὸς θανάτου dictus sit. Quædo spiritus resinosi, fuliginosi, sulphurei ad opticum neruum transeunt, omnia circumagi videntur, & quadā rotatione circumferri adeoq; nonnunquam vehementi, vt agri

inter-



in terram concidant. Hunc affectum vertiginem seu scotoma appellant: Si nulli spiritus ad neruum opticum mittantur, fit cæcitas: si mittantur, sed non, ut debet, fiunt myopes: si non debito tempore mittantur, fiunt nyctalopes. Veram vertiginis causam ipse Galenus quoque nouit; Accidunt, inquit, propter spiritum vaporosum, qui in partibus cerebri inordinato motu cietur. De vertiginibus aliisque capitis affectibus, deque earum causis, quæ ex consensu inferiorum partium excitantur, idem Galenus diuersis locis, cum de illis differit, eos omnes ad fumos, vapores & spirituosas exhalationes reuocat, quod videre est ex eius Comment. 31. in 31. Aph & 3. de loc affect. c. 8. Idem senserunt Auicenna. Orib. & alii, ex quorum scriptis constabit, omnes vertiginum causas ad halituosos vapores, spirituososque fumos potius, quam ad crassos & pituitosos humores esse referendos, siue spirituosus illi & fuliginosi vapores sedem suam fixerint in cerebro, aut aliunde delati fuerint. Quando enim ad plexum choroideum fertur tetra & fuliginosa *ἀναδυμνάσις* per arterias ceruicis, quo loco spiritus mercuriales sulphureos vapores à se eiiciunt, ibidem & ubique iisdem vaporibus obruuntur & suffocantur: Aut si in nervos opticos obtrudantur, ibi gyros & vertigines pariunt, atque eiusmodi etiam & eadem causæ somniferis affectibus necessario tradendæ sunt, ne à frigidiore,



diore, lenta crassaq; pituita vel melancholia  
 sensus ligantur, cum corpora in res spirituales  
 non agant: sensus autem corporei non sunt;  
 sed in corporibus resident, & de his iudicium  
 ferunt: Corpus vero nullus sensus iudex. Nul-  
 lam igitur vindictam postulat, nec in eos agit,  
 spiritibus facile connectuntur. Spiritu, inquit  
 Trismegistus lib. 2. qui Asclepias vocatus, agi-  
 tur & gubernatur omnis in orbe spiritus: spi-  
 ritus implet omnia: mundus etiam corpora:  
 spiritu ministrantur & omnia vegetantur in  
 mundo, in spiritibus, spiritualibusq; corpori-  
 bus potestates omnium naturalium actionum  
 viget: sensus, motus, imaginationes, memoria  
 spirituum corporeorum ministerio perficiun-  
 tur. Neq; verum est, quod ab Anatomicis affir-  
 matur, eundem esse spiritum motus & sensus  
 authorem: actiones vero differētes edi instu-  
 mentorum ratione, sed spiritus quoq; donis  
 . . . prædestinationibus & signaturis suis re-  
 spondentes inter se distant, sensus corporibus  
 spiritualibus perfici, proxima sensuum instru-  
 menta sentiendi actiones & affectiones con-  
 currentes satis demonstrant, imaginationes &  
 memorias in spiritualibus corporibus, sed sub-  
 tilissimis, potentissimis & maxime ritibus  
 versari testantur in somnia morbi corporum &  
 imaginationum obsequia & simplicia nonnul-  
 la, quæ certas imaginationes admirandas sæpe  
 suscitant. Vnde absurdum non est, omnium  
 natura-



naturalium actiones, vires ac potestates à spiritibus tanquam causis deducere ac deriuare. Nec magna rationum deductione opus, si experientia fidem mereatur. Quis non vini meracioris profundiore somno opprimitur? Hyoscyamus Mandr. papau. Opium & reliqua narcotica non frigida sua qualitate somnum lethalem afferunt, sed spiritus sulphurei, quibus abundant, sanguinem coagulant, & spiritus mercuriales omnis motus & vigiliarum autores suffocant. Ridiculum est, quod asserunt, ab intemperie frigida neruorum principium in catalepsi congelari, vt præ frigore corpora eorum rigeant & gelu constringantur, talem profecto frigoris excessum nobilissimū mēbrum non perferret; Citius frigida intemperie ventriculi & intestinorum correpti stercorea congelata cacarent; nec animaduertunt, catalepticorum bonum & rubrum calorē non moritur; sed vitæ signum, non frigoris præfagium; sed caloris nuncium esse, nec infantes propter copiam pituitæ somniculosi sunt, sed quia humido illo oleaginoso abundant & nutriuntur: senes perurgiles, quia illo cremore fumeo destituuntur. Hinc multi ob inediam insomnes noctes traducunt, & e contra post cibum facile somnum ineunt: Id vero non nisi, quia sulphureos halitus suppeditat cibi copia, negat inopia. Quamobrem quædam edulia & potiones, vt amygd. dulc. dactyli seu palmulæ, Mandragora

E s dragora



dragora, papaueris lac, vinum, aliaq; eiusmodi  
 somnifera dicuntur, quod plurimū sulphuris  
 resinosi in caput efferant, & humente suauiq;  
 halitu cerebrum irrigant, non quod eorum  
 narcotica & soporifera vis & potestas à frigida  
 quadā dependeat; sed potius à sulphure quo-  
 dam flammabili resolutō, indigesto & fœten-  
 te, quo plurimum abundant: Nam & fumus  
 sulphureus arborum, picis, Galbani, oppon. &  
 sulphureus vapor tam vini, quam croci, multo  
 citius hominem in somnū præcipitabunt pro-  
 fundum & lethalem, quam aqua niuis aut gla-  
 ciei, montium, quantumuis in summo accessu  
 frigidissima. Hæc enim frigiditas caret spiritib.  
 vaporosis & sulphureis, qui cerebri ventricu-  
 los opplentes, iucunde soporiferas inducunt  
 affectiones, qui sc. in croco, vino & opio inue-  
 niuntur. Quod & facile animaduerrere po-  
 tuissent, quod cætera, quæ maxime frigida cen-  
 sentur, nullum tamē somnum inducunt, alio-  
 quin aqua frigida palmam facile obtineret:  
 Quæ cum sulphureis spiritibus destituta sit,  
 somnum potius retardat, quā accelerat. Quod  
 autem narcotica crocus, myrrha, mandragora,  
 hyoscyamus, papau. opium sulphuris spiritib.  
 abundant, odor eorum fœtidus satis testatur.

*Signum opii  
 veri & le-  
 gitimi.*

Hinc ex cæteris signis, quibus veteres verum  
 opium discernabant, hoc quoque vnum erat,  
 quod flammam conciperet: Quod enim in  
 opio narcoticum est, id nihil est aliud, quam  
 pars



pars quædam oleosa & sulphurea flammâ con-  
 cipiens, quæ si à cæteris opii tincturis separe-  
 tur, & genuino suo correctorio præparetur, fit  
 saluberrimum *ὑπολινόν*. Cæterum, quod ex  
 opio manet, non narcotica potestate, sed dia-  
 phoretica virtute pollet. Quibus tandem  
 præfidiis Pæonis ars mortis filiam abget? non  
 sane digerentibus, incidentibus, pituitam vel  
 Melancholiam purgantibus, syrmaismis, glan-  
 dulis & similib. putatiuis laxaminibus, iis me-  
 hercule nulla *ἀναδυσίλασις* è cerebro foras vo-  
 catur. Vita additione aucta, fax & lampas illa  
 flagrans ignis vitæ nostræ omnes fuligines sul-  
 phureosque halitus discutit, languentemq; &  
 fumantem vitæ nostræ ignem viuificat & ve-  
 getat. Hunc ignem qui non agnoscit, nemi-  
 nem à profundo sopore liberabit. Hæc curan-  
 di indicationem febres ardentes & intermit-  
 tentes nobis præfigurauerunt; in accensione  
 febris tertianæ vel quartanæ somno satis mo-  
 lesto affligimur, cuius hæc ratio; Quod dum  
 massa sulphurea inardescit, fumus magnus seu  
 sulphureus halitus in caput ascēdit, cerebrum  
 opplet & sensus ligat, vnde somnus: quando  
 vero paroxysmus ultro assurgit, ardor ignis to-  
 tum corpus peruastat, tunc confestim ignis  
 flamma omnes in cerebro exhalationes discu-  
 rit & consumit; profligato omni somno ægri  
 membra huc & illuc iactant. Hæc naturali In-  
 stitutione Hermetici edocti Comaticis can-  
 delam



delam accensam ante oculos posuerunt, & à somno profundo omnes excitant. Radii namque ardentis ignis per oculorum tunicas & neruum opticum haud aliter, quam sol per vitrum, plexum choroidem illuminant, sulphureos halitus discutunt, & hac ratione à somno excitantur. Vitam igitur eiusq; *ἐντελέχεια* suscitare & augere oportet, quæ non alio pharmaco refocillatur, quam spiritu vitæ. Huius instauratione vita restauratur & fuligines discutit, & ur & profligatur, non secus ac ignis qui recenti igne renouatur. Etsi enim prius ad scintillas usque extinctus fuerit, iterum accenditur, & magis ardet, quam antea, per additiones id ipsum augetur ad arbitrium nostrum.

Hic in considerationem venit, unde vita nostra, spiritus & ignis vitæ erui debeat, quo vita nostra emendari & fortificari queat, cum res sit incorporea, volatilis & inuisibilis: Neq; enim ignis elementum deglutire poterimus. Qua igitur ratione ignis à re quapiam, in qua nullus inest, resurget? Hoc scio quidem nobis impossibile, quamuis videamus ex duritie siliis ad chalybis illisum, ignem excuti, cum in eorum neutro sit ignis: attamen inde oritur, cum nullius igneæ naturæ sint, nec adustibilia corpora; sed igni resistent magis, quam alii lapides aut vlla metalla, ex quibus nullus ignis elicitur, nec haberi potest. Non aliter ignis seu sp. vitæ nostræ suam originem sumit ex re quapiam,



quapiam; cui inesse non videtur, vt in metallis, cæterisq; rebus, quas mineralia vocant, quæ corpus supra complexionem & qualitatem ingenitam erigunt & conseruant. Hinc ex prædictis corporibus elicited ignem philosophi omnes occultarunt, nec nisi ænigmatice descripserunt, quem vocâr lapidem philosophorum, qui in igne totus generatus, cuius bonitas in igne, crescit, ignis est eius nutrimentum & perfectio. Quare non immerito filius solis ab omnibus proclamatur; hoc est, Ipsa eius anima, quæ à nullo igne comburi potest, cum sit tota ignis & re ipsa nihil aliud est, quã quinta essentia sulphuris, quæ ex reuerberato sulphure per spiritum primi & maioris vegetabilis extrahitur, est coloris rubri, & pellucida existit, sicut Rabinus solum huius monarchiæ peritis cognitus similem operationem habet tinctura, quæ ex antimonio elicetur, cuius processus talis est.

### IGNIS VITAE.

Regali mercurium oleo victrioli rubeo  
precipitatum in oleo Alkophil dul-  
ci soluito & fi-  
gito.

CAPVT



## C A P V T V I I I .

*Morbus sulphureus sulphuris coagulati,  
profluvium.*

**S**ulphur coagulatum, impurum & imperfe-  
ctum in carne musculosa fibrosa ac paren-  
chymatum substantia, tum in sanguine arteria-  
rum & venarum æquale dominium cum sale  
obtinuit: utrumq; dissolutionem patitur, si sal  
liquefcat, œdema fit, si sulphur dissoluatur, fit  
*διάρροια*, de qua hic sermo. Archæus stomachi  
vim & naturam in se continet, separandi odo-  
riferū à fœtido, malum à bono: quod bonum  
est, noxam non confert; sed quod malum est.  
Huc referuntur multiplicia venena, laxatiua,  
oleaginea, viscosa, res calidæ, humidæ, siccæ,  
stipticæ, diaphoreticæ, diureticæ & similia alia.  
Nullus cibus est qui sulphur fœtidum & im-  
maturum non habeat, ac laxatiuæ, elemētari-  
naturæ non sit. Stomachi ergo officium est, ista  
separare: & in stercus cogere ac expellere. Ster-  
cus nihil est aliud, quam alimentorum sulphur  
fœtidum & immaturum, ad nutritionem in-  
eptum & inutile, Expulsionis vis in rebus ipsis  
egerendis consistit. Vis enim expultrix non in  
hominis natura condita est, sed in stercore,  
quod secedit: aliud siquidē alio citius, vel tar-  
dius deponitur, pro naturæ suæ modo: Opera-  
tur tamē simul etiam tempus, quod virtutem  
hanc

*Stercus  
quid?*



hanc producit, sicut pyrnm, quod per se decedit; nec ab arbore decutitur; sed à motu intimo se expedit, erat cibus stomachi. Nihil enim stercus fieri potest, quod prius in stomacho non fuerit cibus. Si vero eueniat, ut stomachus plus d'gerere conetur, quam à separatione ipsi mandatum est, hoc est, si oblectationis, aut, quod aiunt, animi gratia stercus, sulphur immaturum digerere aggrediatur, isto iam molimine corripitur venenum laxatiuum, aut elementum ipsum, quod à cibo separatum est. Hic iam d' a: rhoea oritur: stomachus namque venenum cibi, sulphur immaturum, laxatiuum, elementaque non separare; sed tantum digerere debet, ac cæterum relinquere. Si vero is separationem quoq; molitur in essentiis, & spiritibus, iam causam Diarrhœæ confert, prout separatio illa instituitur. Periculosus fit morbus, si appetitum mouent, quæ non ingeruntur, ut quando ad se trahit partium nutrimentum vel sulphur coagulatum in sanguine, in carne & aliis membris, quod edere appetit, cum appetitu isto corpori morbum infligit: suum enim corpori nutrimentum subtrahit, & dum suum ipsius sanguinem absorbere desiderat, per intestina delabatur fitq; dysenteria, quæ tamen *Dysenteria quid?* fluxus sanguinis non est, sed eius, aliarumque partium sulphur dissolutum, chymicis adulterinus sanguis, cibus stomachi esse non debet; sed elementum corporis, à quo sustentetur: sic  
 sapius



sæpius appetit adipem intestinorū & res alias in corpore existentes omnes, vt mucum, fluxus, quos ad se trahit, ceu cucurbita sanguinē. Quoties igitur stomachus sulphuris immaturi edendi desiderio laceßitur, quoties separationis voluptate capitur, quasi scire cupiat, quid præsto sit, & hoc fine seorsim vnum ab altero separat, iam per nimiam illam separationem fluores concitat. Omne autem coagulatum dissolutum per anum vel vomitum vel per vesicam exit. Si nihil separetur vel digeratur, fit lienteria: si non separetur & digeratur, fit immodica excretio per aluum, Diarrhœa dicta. Si per vomitum & aluum simul, quicquid in ventre & intestinis est, cum molestia excernatur, dicitur cholera. Morbus in patria mea frequens contingit, quando offas pingues edunt & cereuisiam recenter coctam superbibunt, sine intermissione stercora flaua, alba, amara, fellea eiiciuntur: prostratis repente viribus, variis torminibus cum ventriculi inflatione misere cruciantur. Hunc affectum vernacula lingua den Koldh vocant, cui pulvere cort. pomor. aurantiorum medetur, in quibus sulphur congelatum vere aureum dominatur, quod nomen & omen tam odor, quam signatura eius indicat. Si serosus sanguis per sedem profluat, dicitur dysenteria rubra. Si pingua, hoc est, mucosum stercus tunicis adhærens & pinguedo frequenter & copiose excernatur,



natū; dicitur dysenteria alba: Si pervrinam potus indigestus copiose exeat, diabetes dicitur. Horum fluxuum omnium causa, si humor præternaturalis quidam esset, nulla diarrhœa, nulla dysenteria vel henteria lethalis esset; Si talia inquit Hipp. qualia debent purgentur cōfert. & leniter ferunt: At humor præternaturalis expurgari debet, siue qualitate, siue quantitate peccet: Nō ergo hi fluxus actiones euerterent, mortem aduocarent; sed ad sanitatem & vitam conducerent. Multo vero minus à cruditatibus oriuntur, cum excrementa illa cruda non sint, nec tantus cumulus humorum coaceruari poterit in intestinis, qui tantum profluvium proritaret, cum nulla diarrhoea ante separationem fiat, quam præsentem subitanea subsequens ariditas totius corporis arguit, quæ ob nudam humorū evacuationem, corpus tam cito non infestaret & deformeret, nisi sulphur coagulatum in sanguine, in carne, in musculis & cæteris membris liquefceret; hac facta colliquatione corpus repente tabescit.

Huius mali fructus sunt consumptio carnis, perturbatio sanguinis, tabefactio surarū & musculorum brachialium infra & supra cubitum, in pedibus infra & supra genua, tussis arida, vicissitudo caloris & frigoris, sitis inextinguibilis, quando & sensibilis separatio horrore & frigore membra conquatiente, per quam con-

F                      sumitur



fumitur mollis coagulationis proportio, mē-  
fura, pondus & distantia, in corpore, medullis  
& in omnibus membris internæ & externæ  
regionis hoc est, in manibus & pedibus & quæ  
inter hæc continentur. Hæc subsequens ari-  
dura, eiusq; comites ab humorum profluvio  
fufcitari non possunt, cum nec membra ex hu-  
moribus constent, nec in humores resoluantur:  
satis diu stercoreum iudicium fallax & ina-  
ne, ægris, imperitorū persuasione, calcar fuit,  
vt perpe uis purgationibus corpora misere di-  
sturbanda & torquenda submitterent: quod  
flauum per alium exit, bilis non est, nec quod  
nigrum, melācholia, nec quod album, pituita,  
stercora à digestionē alium atq; alium acquirūt  
colorem. Rhabarb. bilem non purgat, sed ster-  
cora tingit suo flauo colore, flaua: Cassia nigro  
colore eadem inficit: Agaricus alba & pituito-  
sa reddit. Quod si turtur omni bile & felle ca-  
rens, Rhabarb. esitet, flauum cacat stercus, à  
Medicis hætenus minime obseruatum.

Qui acidalis fruuntur, perpetuo siue sint  
sanguinei, siue pituitosi, nigrum stercus depo-  
nūt. Quæ ratio? victriolū spiritus pituitosi, ster-  
cora nigro colore tingit, id si Melancholia  
esset, cum indies vel vigesies alium exonerēt,  
omnem Melancholiam suis cum proprietati-  
bus exuerent, omnesque læti, hilares, agiles,  
rubicundi omni nigredine excacata domū re-  
dirent; interim nō animaduertunt, vel nolunt  
videre



videre quod acidulæ nullam melancholiam, hoc est, stultum vnquam curauerint. Noui insignem quendam sycophantam, qui semen ligustri medicamentis suis immiscuit, quod proprietate sua urinam atro tingit colore. Nobili autem ægro cararrho leui decumbenti persuasit morbum lethalem esse, quem nec ipse Hippocrates si adesset, curaret, proprio ipsum iudicans testimonio, urinæ, inquit, nigræ tum in viris, tum in mulieribus pessimæ sunt. Et id prænot. Lethales omnes sunt urinæ fœtidæ, aquosæ & nigræ. Et pro maiori confirmatione adduxit exemplum Sileni, qui cum urinas nigras, nigram subsidentiam habentes excerneret, i. e. die mortuus, quem ipse Hippoc. non potuit conseruare. Nobilis Hippocratis auctoritate perterritus, mortem sibi imminere credidit, magnis precibus impostorem illum sollicitat, vt omnem diligentiam adhibeat, quod si ipsum ab imminente mortis periculo eriperet, mille coronatos aureos se ipsi daturum promisit, quos pro hac impostura, pro hac fraude erogauit. Mera nugamenta sunt, quod sterco-  
ra tali vel tali colore tincta, morbi causam vel morbum indigent. In morbis dissolutis purgationes nō ad vitam, sed ad mortem ducunt: non hic peccat cholera, non melancholia: quare purgandum non est. Quod stercus tali colore tinctum est, id à morbo, à praua digestionem est, non ipse morbus: Nix hyemem non



inducit : hyems autem niuem producit : per  
 ablationem niuis hyems non aboletur ; & si  
 quidem nix nullavspiam existeret, hyems ta-  
 men vere vigeret. Quod igitur stercora tingit  
 & fluida facit , emendari & aboleri oportet,  
 quod expurgari nequit ; sed rectificari, confor-  
 tari & coagulari. In hunc finem à Deo medi-  
 cinæ sufficienter suppetunt ; cæcitas in eo est,  
 quod nemo præparationem aggreditur, vt in-  
 utile separetur ab utili : satis esse putant , si se  
 plasiarum more omnia cõsarcinent & dicant :  
 fiat vnguentum, puluis, Errhinæ, &c. Et ea  
 hæcenus doctrina fuit, eo res mundi rediit, vt  
 Medicina merum nugamentũ sit, nõ, vt prius,  
 ars seu scientia. Nec enim artifices ; sed cum  
 sophistis agyræ seplasiarii, *σοφιστῶν ἀγύρῃ*,  
 pharmacopœi elatæ mentis, dentifragi & con-  
 fores garruli, alique eius fursuris vani, rudes &  
 imperiti sycophantæ præsumunt. Si Medicina ab  
 artificibus tractaretur, processus longe sanior  
 institueretur, vel si sophistæ non tam temere  
 magnalia viris sanctis vel simplicioribus reue-  
 lare aspernarentur, absque labore multo ma-  
 gni morbi facile curarentur. Deus enim de-  
 cem Entia quibusdam rebus adeo pure indi-  
 dit, vt nulla ferme separatione sit opus : harum  
 notitia non raro insolescens anus, idiota vel  
 rusticus vnica radice vel herba grauissimum  
 morbum curat, quem non raro doctissimi Dd.  
 pro desperato reliquerunt. Beatus, qui isthæc  
 curæ



curæ cordiq; habet, nec simpliciores æmulari probro ducit. Rem, sicut aiunt, ad faciē propius intueamur, artes omnium certissimæ, pleræq; à vulgo & abiectæ sortis hominibus inuentæ & ad nos successione quadam comitæ sunt. Artemisia mercuriales morbos curat. D. Ambrosius suo syrupo milii granis omnes hydropis species curat. Persicaria vulnera sanat, ex Petra fluit, quod omnem fluxum cohibet; quamvis difficile sit ratione id demonstrare, nisi rei euentus experimento, quod omnem rationem longe vincit, id comprobaret. Solum sulphuris specificum sulphur resolutum coagulat & fluorem sistit; quo veritas Hipp. stabilitur: Contraria contrariorum sunt medicamenta. Specificū sulphuris fixum est, q̄ resolutum opponitur: nihilominus idē, quod morbum procreauit, eundem quoque curat, eodem docente Hippoc. per similia, inquit, morbus, & per similia adhuc bita ex morbo sanatur. Morbus sulphureus nullo sale, nec vll'o mercurio recte per se curatur, nisi ex accidētī, vel ob commixti sulphuris adunationem eius defectus instauretur. Solo sulphure perfecto, sulphur peccans emendatur & corrigitur, Archæitus stomachi confortatur. His indiget natura in hoc morbo, quibus adiungitur constrictionum, ex quorū cōmixtione specificum sulphuris resultat, quod perfectā curā complet, si



in intestinis, quod resolutum iacet, lacte dulci per clysterem foras ducatur.

Admonendus hic lector, nos per sulphur congelatum vel per sal calcinatum & hisce similes terminos non semper corpus durum, solidum & compactum intelligere: verum & ol. & spir. & ol. pomorum Aurantiorum, succini, ligni quercini, & alia multa.

Similiter hæc Entia, quando morbos gignunt, in spiritus resoluuntur: quorum corporum resolutio morbus, vt Hipp. veritas vbiq; triumphat, non aliunde morbos omnes euenire, quam si flatus, spiritus vel aer, aut plus aut minus, aut cumulatior, aut morbidis sordibus inquinatio in corpus se ingerat.

### *SPECIFICVM SVLPHVVIS.*

**L** Aminā chalybis oleo Garyoph. oblinito & crocum extrahito, hunc soluito, & cum solis sulphure coniungito, illud est specificum sulphuris confortarium & constrictium in morbis.

### C A P V T I X.

#### *Morbus salinus salis calcinati Oedema.*

**S** Al calcinatum singulis humani corporis membris duritiem, compactionem & con-

foli-



solidationem impertit, partes omnes, matrices, loca & receptacula à putredine arcet, totumque corpus in vigore suo conseruat, nec non ab Eschara & vermibus præcustodit. Ex hac salis specie robur & stabilimentum suum habent ossa, suum ligamentum: ex hoc caro suam habet mollitiem, suam cutis & reliquæ: Nam omnis compactio & consolidatio ex sale est. Ideo sal alius est in ossibus, alius in sanguine, alius in cerebro, & similiter in aliis. Quot sunt partes, tot sunt salia, quorum innarrabilem graduum multitudinem calcinatio inuehit. Vt ergo homini opus est, ut corpus habeat: ita necessario compactionem, congelationem, & conseruationem: alioquin diffunderet & putresceret: Hæc commoda sal calcinatum præstat. Quamobrem non immerito subiectum necessitatis & balsamus vitæ nuncupatur, sine quo viuere nemini licet. Tanti nihilominus boni virtus, nonnunquam quinq; Entium potestate infringitur, ut lique scat. Hæc enim eius natura est, ut in aquâ resoluatur. Sicut hoc in macrocosmo videmus euenire, quod sal à calore fundatur, & ab humido ambiente lique scat: Quæ omnia intra hominem nihilo incertius fiunt, ac extra eum inscientia. Cuiusvis igitur partis sal resoluitur, & à cæteris desciscit, illius partis morbus est, quem mors sequitur. Omne regnum, inquit Seruator, in se diuulsum peribit. Quando ergo sal, quod sua



natura debuisset esse ca'cinatum, melius fit & in aquam liquefcit, tunc interitus adest, hoc est, morbus cum morte præsto est. Hoc fundamentum morborum est, non humores, non bilis, non melancholia, non pituita, quæ à membris non separantur; cum nec prima nec vltima membrorum materia sint, ideo nec membra in humores resoluuntur, nec morbus ab istis pendet. Vbi enim nullum diffidium, nulla inimicitia, nec pugna, bi nullus interitus, ibi nec morbus, nec offensio, nec dolor. Membra vero in humores non resoluuntur, nec humores à membri separantur, nullum inter ipsos diffidium, non patiuntur, nec quicquam sentiunt, nec dolent, nec viua sunt corpora, ab istis actiones non emanant, in qualitatuum categoria locum non habent: quæ tamen singula ad morbi constitutionem requiruntur. Morbus ergo in istis esse non poterit. Quod Fernel. lib. 7. cap. 1. Christ. à Vega, Francisc. Valleriola lib. 6. enarr. recte annotarunt, licet canino latratu Medicorum vulgus obstrepet, nunquam inueniri in Galeno, morbum esse dispositionem corporis viuentis; sed corporis humani absolute: propterea quicquid est in viuentē corpore, pro viuo habendum esse. Ex quo plane hoc absurdum sequitur, quod merda & vrina, præter phlegmonodes, Erysipelatodes Oedematodes scyrrhodes, nouum morbi genus constituent. Sicut enim humores, quia in epate sunt,



sunt, ideo pro viuo membro habentur, ac propterea phlegmone. Erysip. Oedema, scyrihus peculiare morb. genus cōstituunt: ita & merda & vrina in corpore sunt: Pro viuo ergo mēbro habentur: Humorū igitur morbis addendus esset stercoreum morbus. Eo illos ratio siue experientia ducit, vt certum morborum numerum non agnoscant. Verum ipsa experientia nos docet, si dissidium in corpus nostrum irruat, diuisio fit in sulphure, mercurio & sale, quorum proprietates, intestina bella, sympthiam & antipathiam cognoscere oportet. Hinc calcinati salis cōditio est, vt nōnunquam lique scat: id si in nostris corporibus eueniat, tunc caloris in corpore nostro existentis ea est natura, ne talem liquefactum seu resolutum in corpore relinquat, sed multis ex causis illū eliminat & eiicit. Et hoc verum non saltem de salibus resolutis, verum etiam de calcinatis & reuerberatis. Hinc sudor ē corpore manat, qui falsus est: Nihil vero sudor est aliud, quam sal hu usmodi resolutus; vnde consequitur, sudorem nonnullum ex carne, nonnullum ex sanguine, ossibu & medullis defluere. Quod si calor noster insitus deb lior & imbecilior, quam vt possit sudorem mouere & salem resolutum expellere, is intra carnem & cutim detinetur, mollior tunc fit corporis habitus, quem Cachexiam vocant, in quo affectu naturalis color in eum cōuertitur, qui ex albo

F s pallefcit,

Sudor quidē

Cachexia



pallefcit, feu virefcit, ac redditur liuidus ac plumbeus, cum mollitudine ac relaxatione quadam habitus totius corporis ac virium omnium, quafi exolutione & imbecillitate palpebrarum, ipforum oculorum & fere totius faciei, nec non ipforum pedum difpofitione & inflatione, fal enim refolutus per omnes partes diftributus facile eas inflat, qui fi pedetentim augeatur, iam ex cachexia hac in hydro- pem facile delabitur, ac propterea à nonnullis hæc initium hydropis, ab aliis affectio hydro- pem antecedens, folet nuncupari. Si fal refolutum in vnam partem vergat, eamq; in tumorem eleuet, dicitur oedema, quod eft tumor latus, doloris expers, fuppreffus defidēs, ita vt premētium digitorum veftigia retineat, maxime genua & pedes vexat & infeftat. Sal enim ad inferiora defcendit: qui fi à calore non diffipetur vel fuppuretur, fed calcinetur & induretur, fit fcyrrhus. Si inter cutem capitis & caluariam congregetur, & tumorem efficiat, dicitur ὑδροκέφαλον. Si in fcroto, fit ὑδροκείλη. Si fub tunica vifceris alicuius, vnde oritur parua vefica, quam vocant ὑδάτιδα; Vel in cute à partibus externis, vnde fiunt puftulæ illæ, quas φλεγεδέναις nominant. Si inter Peritonæum & intestina refoluti falis collectio fiat & fua copia ventrem diftendat, fit Ασκήτης ἀπὸ τῆς ἀσκή, id eft, ab vtre, eo quod in illa vëter agro- tantis aquofo humore repletus, vtre aqua plenum

Asciter.



plenum perbelle repræsentat : quæ pariter dicta est à latinis aqua intercus, eo quod aquosus humor, quo talium ægotantium venter refertus est, nō multum distet ab ipsa arte, siquidem redundat inter peritonæum & intestina & aliqua ex parte etiam inter periton. & extremam cutim abdominis cōiunctam cum membrana carnosā & musculis, qui ad eiusmodi partem referuntur. Si facies, brachia, manus & pedes cum ventre intumescant, fit oedema vniuersale, quod Anasarca vocant, & est tumor frigidus & laxus ac mollis habitus totius corporis, in quo, dum cutis comprimatur, parvæ & exiguæ quædam foveæ excitantur, quæ diutius excavata apparent, neq; statim implentur: quemadmodum vbi mercurius pneumosus tumorem constituit; ob varias & diuersas occasiones varia & diuersa nomina obtinuit: dicta siquidem est Leucophlegmatia, ab alba pituita. Existimarunt namq; Galen. quod tumor, quem non venter solum, verum etiam pedes ac fere totius corporis habitus experitur, ab alba pituita ortum ducat, coloris similitudine decepti, liquamen salis non agnouerunt, id licet totius fere corporis carnem obruat: tamē, quia interdum potius sub ipsa carne, interdum supra ipsam, citra ipsam extenditur & fluctuat, hinc est, quod modo ἀνασάρκα, modo ὑποσάρκα, modo κατὰσάρκα, atq; aliis eiusmodi nominib, hæc ægritudo appellatur.

Si

Aqua intercus.

Leucophlegmatia.



*Hydrops tho-  
racis.*

*Vteri hy-  
drops.*

Sive ficæ aqua plenæ intra thoracem exciten-  
tur, fit hydrops thoracis, quam & Hipp. agno-  
uit. Forest. & Schenck, vteri hydropem his ad-  
iungunt, quem saluo epate & liene fieri atre-  
stantur. Erubescunt igitur omnes illi, qui in  
Galeniverba §. de loc. aff. c. 7. iurant; fieri non  
posse, ut vnquam quis fiat hydropicus, nisi epar  
sit frigidū, falso errore ducti, in epate aquam  
gigni. Id siue frigidum, siue calidum, siue scyr-  
rhosum sit, nullius hydropis fons & origo est;  
Nō enim quia vel calidus vel frigidus est, aquā  
gignit: ex accidente non nisi accidens produci-  
tur, nec iecoris hæc natura est, ut aquā gene-  
ret, licet sanguinem producat. Formæ enim  
facultas semper sibi eadem manet, nescit falle-  
re, naturam non mutat, quamuis eius actus ob  
defectum organi suspēdatur. Propterea alium  
fructum non prouocat, non destruitur, non  
immutatur, cum nihil in ipsam agat, eiq; nihil  
contrarietur: & quamuis iecur à variis causis  
immutetur, ut nunc sit calidius, nūc frigidius,  
quæ sanguinis generationem impediunt: non  
tamen aquam eamq; salinam generabit. Sicut  
enim arbor in loco nimium frigido, calido,  
sicco vel humido exarefacta fructum suum so-  
litum, pomam videlicet, facultate procreatrice  
impedita, gignere nequit: minime tamē aliam  
fructus speciem, pyra puto vel cerasa procreat:  
Ita quoq; facultate sanguificandi impedita ne-  
cesse non est, ut ea aquam salinam generet: neq;  
enim



enim facultas maxime in vigore persistēs, tam potens est, vt tantum cremoris vel sanguinis generet, vt eo totum corpus intumesceret, omnesque cauitates implerentur, vt vasa dirumperet sicut id nullibi in toto orbe, à tot retro seculis nunquam est visum vel auditum: multo igitur minus debilitata virtute, tantum aquæ ab ea procreabitur, vt exitum vndiq; sibi moliatur, vasa pene multitudine frangat atque diffindat, nefas siquidem est, naturam eiusque facultatem accusare, quæ nullum morbum facit; sed omnibus reluctatur, solaq; omnium affectionum & passionum gloriosa est victrix. Impeditur illa quidem deprauato organo, vt suam suspendat actionē. nullius tamen morbi effector est. sola dira illa quinq; Entium; deælis, astralis, pægoica, venenata & naturalis vis & potestas omnem excudit morbum, idq; tot diuersis subiectis fit. Subiectum igitur huius mali cognoscere oportet, quod hæcenus ante lumen gratiæ Humoristæ ignorarūt, licet hoc indicasse videtur Gal. lib. 3. de caus. symp. cap. 2. vbi inquit: Ex colliquatione hydropem, qui cachexiam sequitur, fieri. An vero humor quidam à calore vel frigore colliquari possit? palam est, quod frigus omnem humorem indurât: nec calor liquefacit humores, non bilem, quoniam illam in porraceam & atram transmutat; non melancholiam, nō ex ea empyreumata concitat, quæ corpus inflammant & incendunt,



cedunt, non sanguinem, quem efferuescere facit, & qui per se fluidus, sicut & pituita per se fluida est. Quid ergo erit in corpore, quod ex coagulato & colliquato colliquescit? Nihil aliud, nisi vnicum illud hypostaticum principium cum cæteris primis corpus humanum constituens sal est: Illud s. Entium potestate soluitur & liquefit, ad partes inferiores delabitur, & hoc modo in hydrope partes superiores tabe consumuntur. Cum enim homo secundum formam suam rectus stet, ideo resolutum per poros carnis deorsum vergit ac labitur, & tumorem concitat, prout regiones magis minusve implentur ab imis ad summa, donec regionem cordis & centrum vitæ attingat. Hoc modo sp. salis vitam hominis iugulat. Cum enim inundatio aquæ fiat & vita in centro hominis cõdita sit, fit, vt aqua illum locum obruat, & vitam suffocet, non secus ac præceps fluctuum concitatio, domum & omnes incolæ cum ea obruit & suffocat, quamuis antea reliqua viscera magnis insidiis oppugnauerat, acrimonia sua peritonæum aliaq; vasa perforauerat. Nam ex intemperie fissura partium nulla antecedit hydropem, vt falso sibi Humoristæ imaginantur; sed consequitur. Hic enim falsus spiritus seu liquor falsus, acetosus, mordax, acutus, victriolatus vel aluminosus membra solida penetrat, putrefacit, corrodit atque diffundit, vt nec eius vlcera, sanari cõcessum sit.

Nuga-



Nugamenta igitur sunt, quod hydrops ex in-  
temperie calida vel frigida epatis producat. Nemo vnquam in maximis effusionibus sanguinis, quæ contingunt per vulnera, in cachexiam vel hydropem lapsus: cum tamen ibi sit summa iecoris refrigeratio; calefactum bilem, & si adhuc magis incalescat, retorridos, adustos, non aquosos generat humores. Scyrrhus aquam non generat; sed ab aqua falsa scyrrhus producit: quod hætenus multorum Medicorum oculos perstrinxit. Hinc in hydrope lien vel iecur fit scyrrhosum, prout hoc vel illud salis liquamen magis alluat: Solum aqua falsa indurationem omnium rerum molitur; sicut hoc ita in Macrocosmo euenire videmus. Lignum in aquam salis gemmæ positum non solum induratur, verum etiam successu temporis in durissimum lapidē conuertitur. Scyrrhus igitur hydropem sequitur, vt & partium fissura, & non ipsum antevertunt, nec eius causæ sed effectus sunt.

Fundamentum curandi morbum salinum in hoc consistit, vt aqua illa falsa euacuetur, ita vt à toto corpore abscedat. Ex laxatiuis autem medicamenta multa sunt, quæ viò enter & serio expellunt, vt scammon. Esula colocynth. cataput. helleb. cortices Sambuc, &c. quæ quidem expurgant omnia, & sic etiam plura: vera tamen & genuina non sunt, quæ à natura ad hydropem præstituta sunt, Spiritus salis m<sup>o</sup>ndificati



ficati solū perfectam curā præstant: quorum  
 efficaciam & virtutem Humoristæ ignorant:  
 ideo lethalis tam Græcis quam Latinis fuit hic  
 morbus. Ast Hermeticorum semper fuit hæc,  
 primo, vt sub salibus magna laterent & com-  
 prehenderentur mysteria, quibus viri vitæ san-  
 ctimonia cōspicui, non solum hydropem, sed  
 & alios grauissimos morbos curarunt. Nicol.  
 Myreps. Salinum medicamentum titulo sancto-  
 rū Apostolorū promulgauit, aliud Lucæ Euan-  
 gelistæ & Apostolis tribuit. In luminari maiori  
 exstat Syr. S. Ambr. quod non solum virum il-  
 lum sanctissimum, hydropem ob singularem  
 Dei gratiam curasse constat: verum & nos non  
 vnum, sed vltra 20. vtriusq; sexus hydrope af-  
 fectos, de quorum salute collegæ mei despe-  
 rarant, curauimus; qui adhuc in viuis viuunt  
 nobis testimonium præbent.

Salis spiritus cataclysmos circa stomachū,  
 pulmonem, iecur, splenem fluctuantes tollunt,  
 postea pudenda & coxæ indies minuentur, do-  
 nec tandem etiam pedes, suræ, malleoli & de-  
 niq; venter detumescant.

Id multis rationibus demonstrari posset:  
 breuitatem tamen, quam proposuimus, se-  
 quentes, vnum duntaxat exemplum in eius  
 cōfirmationem adducamus. Notum est, quod  
 doctiss. Medici hac ætate vsum crudī mercurii  
 maxime approbauerint. Goritienses obste-  
 trices, vbi grauidæ diu in partu laborauerint,  
 statim



statim mercurii viui scrup. j. nullis incommodis potandum exhibent. Prassou. Ferra. vir sane clarissimus suo de stirp. exam. pro certo scribit; sapius se dedisse mercuriū infantibus deuorandū vi vermium semimortuis, qui illico sanati sunt: idq; fecisse in vltima desperatione. Ita crudum nec aluum mouet, nec vllam molestiam adfert. At si salis cōmunis vel vitrioli, vel sulphuris corrosiuus spiritib. imbibatur & precipitetur, ab istis tantam purgandi potentiam sortitur, vt duorum granorum pondus, omne quod in corpore superfluū est, maxima violentia expurget. Hi spiritus salis in precipitatum deduci debent, is præstans ac potens est ad resolutum sal extrahendum. Quod enim resolutum est, congelationem denuo non resumit, velut nec resoluta nix; quæ denuo non fit, quod fuit ante: tempus tamen niuis denuo instat. Hinc licet aquam omnem remouisses, & salem non coaguares, cura imperfecta esset: nam aqua denuo cavitates impletet. Altera igitur curationis indicatio est, vt consequens congelatio inueniatur. Hæc autem aliter non fit, quam per resiccationem caloris ipsius salis, qui solum in sulphure metallorū latet. Id siue solis, siue mineralium sit, ex vi & natura arcana, impressionibus istis resistit & exsiccat. Est enim id sol, qui pluuiam hanc discutit & in auram vertit. Hæc igitur artis Ipagyricæ opera in vnum specificum simul coniungi debent, vt

G

aquæ



aquæeductio simulatq; exsiccatio & coagulatio vno & eodem tempore, conuenientique administratione absoluatur: Vtrumq; essentia salis primi vegetabilis cito tuto & incunde præstat, cuius descriptio talis est.

*Essentia salis primi vegetabilis.*

Spiritum maioris vegetabilis rectificat à sulphure ad albedinem calcinato per solutionem cohibita abstrahito, donec ambo ascendant, nec non vnum fiant. Destillatum in B. M. circulato, donec oleum à spiritu separetur, in eo calcem salis soluito & coagulato.

C A P V T . X .

*Morbus salinus salis resoluti, Tartarus.*

**S**AL resolutum, gustu suaue & dulce est, nulla acrimonia gustum sollicitat; sed linguam orisque partes lentore quodam oblinat, tarde & lente excretiones stimulat, valide siccando absorbet ichores, conglutinat, penetrat, cuius præsentia nullum alimentum, nec vlla pars corporis destituitur, sapores omnes eius indices & internuncii sunt. Quicquid enim sale resolutum caret, nulli exhibere sui gustum vnquam potest; sed insipidum plane est; siquidem nulla

frigi-



frigiditas, nulla siccitas, nulla caliditas, nulla humiditas aquæ puræ, aut simplicis, aliisue salium succis destituta, saporis ullius sensum conciliauerit, & ut vno dicam verbo, sal resolutum cuncta nutrit & conferrat. Quapropter non sine ratione diuini vates cunctarum generationum matrem quam Græci αἰφροδίτην seu αἰφρογενεῖαν appellant, ex sale præpingui natam esse decantarunt; quorum diuinas inspirationes cum atrente secum ruminasset Plato, omnem virtutem generandi, alendi & conservandi in sale positam esse, ac omnem copiam, affluentiam & vbertatem rerum ex eo proficisci prospexit, diuinum quid salem appellat, nec immerito: Quoniam sal est ipse Deorum cibus & potus, ambrosia & nectar ex amalthiæ cornu profluens, mirandis virtutibus præditum, dissoluend, coagulandi, detergendi, euacuandi, & infinitis aliis facultatibus, quas in indiuiduis & ab indiuiduis suis separatum in aliis corporibus exercet. Verum ex officio suo delapsus, congelationem patitur, induratur, & in resinam, tartarum, arenam & lapides concrefcit, varios & incognitos gignit morbos. Horum malorum ortus non ex pituita & mucilagine quadam viscosa vel bile, vel ex aliis humoribus, sed ex sale resoluta, dum congelatione annititur, procedit. Quippe humor simplex, nec salem, nec tartarum, nec calculum efficere potest, nisi sal vel materia tartarea ei primæ fuerit



admixta; quæ sæpe sine calore vlllo extraneo, suapte natura vergit ad congelationem & indurationem. Sic videmus in multis fontibus aquisq; frigidissimis ligna ipsa tandem lapidescere; quod notius est, quam vt pluribus convincere opus sit. Calculum ex sale ingestorum, bibitorum, comestorum, ob debilitatem separationis membrorum, in vesicula fellis, in hepate, splene, cerebro, ventriculo, intestinis, articulis, deniq; in omnibus fere corporis partibus, etiam frigidis generari: Ita vinum calculum, quem rectius Monarcha Tartarum vocat, tartareos morbos gignit: Sic & cereuisia arenosum & friabilem tartarum ex coagulatione aquæ, lupuli & leguminum, ex quibus cereuisia paratur. Cum enim horum cuilibet sua seorsim coagulatio sit, si tandem vniuersæ iungantur, peculiarem eumque grauem tartarum, morborum variorum genitorem procreant. Ipsa quoq; aqua singularem tartarum generat, sed eum tamen mitioris doloris, nisi fors aluminosa ea, aut sulphurea, aut vitriolaris &c. existat. Varii etiã tartari ex lacticiniis oriuntur; hi tenaces sunt & mucosi, acidi, expulsiu difficles, multi & crassi salis. Hoc earum quoque multis formis in corpore coagulatur, & species aliæ acres, quæ caliditate sua coagulant, quicquid eis incorporatur. Ipsa quoque membra, ligamēta, ossa, arteriæ, ex naturæ suę peruersitate & malitia, substantiam propriam

tentant



tentant & coagulant. Si in stomacho sal resolu-  
 tus coalescat, eiusq; orificio vel fundo ad-  
 hæreat, fit vsnea & pruina, quæ non aliter sto-  
 macho inhæret, quam cementum parieti an-  
 nectitur; tunc sequitur ardor, orexis, compres-  
 sio thoracis, vomitus, in aurora recidit appeti-  
 tus & linguæ asperitas & quasi prunellæ pas-  
 sio. Quod si ad intestina abierit, & non pertran-  
 sieri, sed adhærebit, nunc constipationē, nunc  
 colicam, nunc dorsi dolorem, nunc coxæ &  
 ischiæ, nunc claudit monoculum, nunc lon-  
 gam, nunc sistitur vis in appetitu, & p'ura alia  
 mala sequuntur. Si autem digestum fuerit in  
 stomacho pro prima digestionē, & expulsum  
 in secunda hepatis, si separatio fuerit in ea, in  
 vsneam ve' gemmam in lapidē sc. diaphanum  
 & perspicuum mutatur, tunc sequitur consti-  
 patione in hepate & durities & apostema chro-  
 nicum, & litis, dolores lateris dextri, compun-  
 ctiones & obstructions facit, tumores in pe-  
 dibus, & maxime tibiis apparebunt. Expul'sus  
 est appetitus & reiecta digestio, vrina quasi hy-  
 dropica & indigesta glauca & multa. Ista gene-  
 ratio non tantum fit in hepate, sed etiam in re-  
 gionibus iecoris & confinibus suis. Si autem  
 in digestionē hepatis, separatio nō apparuerit,  
 estq; materia egressa ad mesaraicas lacertosas,  
 si in his salis communicatio fuerit, tunc sequi-  
 tur generatio pruinae ve' gemmæ. Ex ista ob-  
 structione sequitur dolor mesaraicarum, con-



stipatio nutrimenti: hectica species, phthisis principium. Est dolor quoque spinæ dorsæ, costarum, matricis, effœminatum & sterile semen reddit, tollit appetitum attrahendi sperma, & exsiccatio erit omnium membrorum; quoniam nutrimenta transire non possunt, per hepar redeunt ad stomachum, & corrumpuntur. Hinc oritur ventriculi conuulsio, singultus, fissura labiorum, & excoariatio interius. Si transferit ad renes, & illic exsiccationem adeptus est, generantur gemmæ, grando rubei coloris, lapis alabastrinus, marmoreus, & siliaceus. Si in regionibus renum & splenis adhærebit, tunc nauseam facit, nunc vomitum grandem, nunc torsiones & inflationes umbilici, nunc tumores venarum & pedum, nunc coarum debilitatem, renum quoque & partium istarum erraticos morbos facit, innumerabiles & quasi incurabiles. Si vesicam & partes eius cum collo inuadat & cannam finalem in orificio suo, & recessit humiditas, tunc resolutum in chalcedonium, lithiasin, magnalinum, zephanteum & incleum coagulabitur; quia in omni cavitae cuiuslibet partis sal resolutum coagulari, lapis generari & latitare potest. Si in venis coagulatur, tunc tabescit membrum & brachium tolli non potest: quia obstruit vias nutrimenti; unde sequitur ariditas. Nec solum arena est, quæ per urinam excernitur; sed ubique est: sed & in oculis sæpe nascuntur lapides. Nam liquor



liquor salis qui est in capite in oculi angulis cō-  
crescit, punctiones & ardores cōcitāt, neq; fri-  
gus, neq; calor salē resolutū in tartarum coa-  
gulant. Nam coagulatio à solo spiritu salis fit,  
qui in ista conditione ac forma persistit. Hi so-  
lum lapidum varias formas formare norunt,  
qui ipso fumo multo subtiliores partes omnes  
corporis peruadunt, vbiq; locorum adhære-  
scunt. Illic vīnea ac pruina congregatur, quam  
ardor, compressio, exaestuatio, punctio, dolor  
acutus & a ii morbi ita se habentes haud secus  
ac vmbra corpus concomitantur. Per hęc ve-  
rificatur Hipp. sententia, Morborum omnium  
vnus & idem modus: locus vero ipse eorum  
differentiam facit. Tartarus enim alium colo-  
rem ex succo renum imbibit, alium ex vrina  
in vesica, nonnunquam proprios suos ac sum-  
mos colores retinet, velut cæruleū, rubrum,  
purpureum, flauum, croceum &c. Viridis &  
cyaneus & niger non generatur, quoniam isti  
colores in orificio stomachi separantur, vbi  
pereunt: Tum isti etiam alias rari & infrequen-  
tes sunt: prout ergo regionis mos est, & cibi  
potusq; natura: sic nos quoq; formam, genus  
ac paroxysmum inuenire æquum est secun-  
dum modos omnes velut tartarus continet,  
eisque innatum est. Hinc colligimus tartarum  
esse morbum extraneum, rerum crescentium,  
quæ ex terra & eius liquoribus enascuntur: de  
quibus anxie Humoristæ inter se litigant; An



tartarus morbus, vel symptoma, an causa morbi sit, nec iudicem, qui diceret, haecenus inueniunt. Accusabunt nos, quod causas morborum, morbos & symptomata confundamus: Nec id temere, vel absq; ratione à nobis factum, cum non differant genere, essentia vel proprietatibus specificis, sed potestate vel actu solum. Quemadmodum Medicus dormiens à vigilante, sulphur non accensum ab accenso, sal non resolutus à resolutio, non matura à maturis, ascendens à quiescentibus: Quia igitur talia in corpore contineantur, quæ digestionem, separationem exaltata & in actum reducta, morbos procreare solent, si nomina eis imponenda sint, unde quæso nomina insignia mutuabimur? Ex radicibus procul dubio & proprietatibus innatis specificis siue actu nunc appareant, siue in potestate radicum delitescant. Hac lege diximus, in corpore latere semina, radices, impuritates, quæ digestis temporibus separatae, exaltatae, iugulatae, vel in actum reductae, horrores, rigiditates, somnos narcoticos, calculos, tophos, aliosque affectus producere possunt. Quod si tales radices, causas morborum antecedentes nominare libet? Licet: nihilominus iisdem radicibus progredientibus ad maturitatem prouenientibus exaltatis, accensis, morborum appellationes nulla ratione eripiemus, morborumq; symptomata, actiones laesas, colores, sapores ex proprietatibus radicum produci



duci constanti veritate asseuerabimus. Siue igitur tartarum causam morbi, morbum vel symptoma dixeris, à vero non aberraueris. Errabis autem si purgantibus, vrinam cientibus, illum frangere & expellere coneris: quæ dum calculum acutum & carminatum & mille angulis exasperatum mouent, non raro in via expulsionis venulas & renes exedunt: vnde exulceratio & sanguinis profluuium malo primo acerbius. Hoc vnice spectandum est, vt tartarus, qualiscumq; ille sit, resoluator & in liquorem trāseat, vt nunquam iterum coagulari possit. Destructio ea si facta sit, tunc natura ipsa illud expellit. Ideo hoc casu id saltem accurandum est, vt talia administremus, quæ istiusmodi arcana continent, in quibus vis illa & efficacia resolutionis, dissolutionis & destructionis sit.

Hac via Tartarus totius corporis concutitur & adimitur.

Hæc Medicina in lapidibus latet, si in liquorem reducantur, vt denuo in lapidem reduci non possint.

His præstitis, Medicina parata & commodata erit.

Nec miremini, quod idem, quod tartarum coagulauit, id ipsum quoq; resoluat: vnumquodq; agens iuxta dispositionem subiecti operatur. Hoc modo sol lutum indurat, ceram liquefacit; Ita salis spiritus salem resolutum,

G 5

eiusq;



eiusq; viscum & bolum indurat, vt in arenam  
& lapides concreseat : quod denuo resoluit  
non aliter, quam aqua fortis, spiritus videlicet  
salis sol, quæ licet ad comminutionem lapidis  
nihil conducat; sed mortem vi sua corrosiua  
accerfat. hoc tamen docet, medicinas similes  
alias quoq; existere, quæ tartari soluendi vim  
habent; sicut aqua fortis ferrum, quod & sine  
corrosiua, sicut & sol solui potest, quod Man-  
na, Tereniabin, odor Saturni & hisce similia  
multa frangunt, quæ corrosiua non sunt; sed  
genuina remedia. Similiter ad calculum resol-  
uendū hæc sunt prædestinata: oculi cancri, la-  
pis microcosmi, lapis iudaicus, spongiæ, aquilæ,  
cristallus, quorum plures quoq; existunt. At  
Samsonis opus est, rite hæc præparare: quod  
fieri non potest, nisi fortiter admixto incarna-  
tiuo, quod accidentia concomitantia lenit, id  
in eleuationem reducatur, vt post hanc circu-  
lari queat, & circulatorium ad minimum se-  
ptimanam circumiuerit. Tunc tam interius  
sumtum, quā exterius per inunctionem, vbi  
dolor sentitur, vel si in vesica lapis lateat, per  
springam applicatum tartarea grana granulo-  
sa, quæ alias resolui non queunt, nec vlla ratio-  
ne alia per medicamenta edomari resoluuntur.  
In illis menstrua condita sunt, quæ tartarum  
soluendi, potestatem habent, non secus ac sol  
vim habet liquandi niuem, & quemadmodum  
nix ac glacies à sole liquantur, & in aquā abeunt,  
ita vt



ita vt non redeant: sic idem hic quoq; accidit,  
per arcana illa lapides consumuntur, vt nulli  
ibidem prodeant & conspiciantur: nec opus  
est, vt iunctim ita assumantur; sed vnumquod-  
que seorsim & per se satis est. Non omnis cura  
ex eo procedit, ex quo ipse quoq; morbus pro-  
diit: ex corpore, ex quo ipse lapis genitus est.  
Ne autem denuo semel expulsus regeneretur,  
vêtriculum in hunc habitum deduci oportet,  
vt tartara quoq; cum & in cibo & potu conco-  
quere & consumere possit, non minus ac stru-  
tiocamelus ferrum: id fit per rectificatiuum,  
côfortatiuum & alternatiuum stomachi, quæ  
per acetosa esurina procreantur. Hæc sua na-  
tura ventericulum adeo famelicum reddunt, vt  
cibos etiam insolitos appetat. Quod autem  
appetit, id concoquit & digerit. Acetosum ali-  
ud fontanū, ut acidulæ, quales sunt Schvval-  
bacenses, Vberklingenses, Heylprunnenses:  
Aliud artificiale, vt acetosum vitriolatum,  
quale est cuprum veneris vitriolatum. Cu-  
prum enim est vitriolum. Si ergo aciditas ex  
vene: e extrahatur, tunc is, qui illa vtitur, cu-  
prum digeret. Vt vero cuprum vitrioli habeas  
verum & genuinum, id sine corrosiuo frangi &  
resolui debet: In isto solum existit acetosum  
artis, si extrahatur & præparetur in oleum li-  
quoremq; acetosum. Hi ita processus sunt &  
arcana, quibus vtentes à morbis tartareis præ-  
seruantur, si vnius cuiusque dosim & quantita-  
tem,



tem, quam Medico pro conditione personæ, temporis & morbi decernendâ relinquo, obseruent & adhibeant. Hemes aliâ præseruandî viam nobis indigitauit: per ea sc. quæ salem resolutum coagulari non permittunt, qualia Terebinthina lota, trochisci thuris, masticis, myrrhæ, mumia, crocus & alia incarnatiua. Hinc solitum fuit Hermeti post cibum assumptum deglutire semper granum thuris vel masticis, ne videlicet vinum bibitum se coagularet in tartarum. Nos igitur curationum hosce scopos coniungentes, magisterium tale ordinamus.

*Magisterium lapidis microcosmici ad lapidem.*

Calcem lapidis microcosmici vel oculorum cancri solue in spiritu botini septies eleuati, vt combibat tenuissimâ substantiam: quod fiet, si octiduo in calore detineatur vase tecto, effunde liquorem vase inclinato, residuum exsicca & denuo calcina, vt tota subtilitas, à crassis & refractariis per spiritum botinum exuatur, eo vttere cum vino Falerno.

CAPVT



## CAPVT II.

*Morbus salinus salis reuerberati, cutis  
defœdatio.*

**S**alis reuerberati munus est corpus poro-  
sum, pellucidum & permeabile reddere,  
granulatim igitur vitalibus principi sãnecti-  
tur, ne omnino corpus plenum & solidum e-  
uadat. Quæ omnia sunt à creatione diuinitus  
ita ordinata, vt corpus humanum constituent.  
Natura igitur eius à dispositione & acuitate  
innata hæc est, vt rodat edatq;. Proinde dicitur  
ignis occultus, quem nemo videt, neque sen-  
tit essentialiter: attamen vrit. Ita videmus her-  
bas, nec non radices, quæ carnem in bullas ex-  
urunt, vt flammula, flos eius & radix, apium  
aquaticum, sinapi, piper, vrtica, euphorbium,  
&c. Animalia quoq; requiruntur, quæ tale  
quid efficiunt, vt vermes cantharides & alia,  
quæ quidem occultum ignem in se continent,  
operatione perceptibilem. Similiter vt in  
istis exterioribus: ita in homine quædam salia  
habentur, non aliter corpus intrinsecus vren-  
tia, quàm flammula, quæ si ab externis irriten-  
tur, cutim mirum in modum defœdant: nec  
opus est, multis rationibus hanc veritatem  
comprobare, quam Senatores & ciues Bam-  
bergenses suo malo experti non diffitentur,  
luem Gallicam per scarificationem  $\phi\lambda\epsilon\beta\omicron\lambda\delta\mu\omega$   
succis



succis salis & amaris infecto propagari: quæ sane lues primo in scarificationum eminentiis erumpens, postmodum totum corpus inquinavit, adeoque contumax facta, ut nec cura ligni à Dd. & collegis quondam meis non vulgariter eruditis ordinata, terna vice quoque repetita, & à chirurgis expertiss. administrata, nec inunctione hydrargyri expurgari & vinci potuerit. Quibus succumbendum misere fuisset, nisi tandem & ego acersitus, similibus curationem attentassem, iis sine decocto ligni, sine inunctione mercurii sine suffumigatione cinoberina, sine purgantium sæuitia, paucis diebus absolui, ut perfectam sanitatem in hunc usque diem durantem adepti sint. Quod si Manlium quendam Cornutum provincie Aquitanie legatum à tanto malo liberassem, votivas tabulas in sacrario Apollinis nunquam suspenderem. Non aliter hoc malum solo contactu transplantatur, quam ignis rei cito inflammabili admotus sese propagat. Propterea veteres huic malo ab igni nomina indidere: Vnde ignis Persicus, sacer, volaticus, S. Anthonii, pruina ardens, carbo ignitus, noli me tangere, & hisce similia, quæ ad contagionem præcauendam & fugiendam homines admonent. Si sal reuerberatum lenem mordacitatem contrahat, fit pruritus: ita amara, nitrosa & salsa pruritum cient, ut sunt vrtica, scylla, muria; quæ si corpori apponantur, pruritus inducunt. Similiter



ter vsus acrium, nitroforum, salitorum, piperis & similium, salem nostrum ad mordacitatem irritant & propellunt, quæ pruritû efficit. Hunc sequuntur fædus cutis color, vitiligo dictus, cuius duæ sunt species. Vna Græcis λευκη, quod sc. niueus cutis color ad candidius mutetur: hæc non tantum cutim inficit; sed altius descendit, adeo vt carnem ipsam quoq; contingat ac pilos coloret, qui in ea cani & lanugini similes nascuntur. Lat. alba vitiligo nuncupatur. Altera eius species, Græcis ἀλφος, in profundum non descendit, sed summam tantum cutim inficit, cui quædã squamulæ, quædam vitiligines ipsæ fixæ adhærent, Arabes Morphem vocant. Quod si furfurata magis ex se corpuscula edit, cutemq; variis figuris exedit, psora nuncupatur. Si furfuraceæ squamulæ ex capitis cute citra exulcerationem decidant, porrigo dicitur: si adsint vlcuscula tenuissimis foraminibus cutim perforantia, ex quibus glutinosa excernitur sanies, ea antiqui Achores, nostræ ætatis Medici ad tinearum in vestibus similitudinem capitis tineas nominant. Vt enim hæ multo eoq; tenui morfu ac erosione vestes perforant: sic etiam capitis cutem achores: Simile huic aspectu & figura est, quod Græci κηριον, Lat. fauum nominant: maiora tamen foramina habet, in quibus feces melli similes continentur, perinde atq; in fauis apum, vnde & nomen suum traxit. Si reuerberati salis perniciēs



nices altiores radices egerit, scabiem cōcitar,  
 ex qua pustulæ oriuntur, quædam humidio-  
 res, quædam sicciore, ex quibusdam pus glu-  
 tinosum, crassum & viscidum exit, fitq; ex h s  
 continuata exulceratio pruriens, serpitque in  
 quibusdam cito, atq; in aliis quidem desinit ex  
 toto, in aliis certo tempore anni reuertitur,  
 prout corpus dispositum est & sal reuerbera-  
 rum in ipso dominatur vel contagium fugit.  
 Si pruritus Ichorem ad se trahit, fiunt pustulæ  
 aqua plenæ, Lat. sudamina vocant, Bullas si-  
 miles iis, quæ in corpore à feruido igne torre-  
 factæ contingunt, Hipp. *Φλύσιν*, alii *Φ. υλιδίνες*  
 vocant, nomina acceperunt à nocte, vel quod  
 interdiu non multum, noctu vero grauiore  
 torqueant dolore. Si pustulæ parvæ sint instar  
 milii, dicitur formica miliaris, ab ambulando  
 ambulatiua & à corrodingo alia corrosiua di-  
 citur. Generatim omnes pustulas in cute flo-  
 rentes Hipp. *ἐκθύματα ἀπὸ τῆ ἐκθύειν*, hoc est,  
 erumpendo, quod à cute erumpant, in eaque  
 floreat, vocauit. Si nec aquositas, nec pus in  
 vesica contineatur, solum eleuetur carnositas,  
 sicut accidit à vesparum punctura, dicitur esse-  
 re. Si in extremitate palpebrarum sal efflo-  
 rescat, fit hordeolum: si in naribus, fit polypus,  
 frequenter in exulcerationem abit & maxime  
 foetet. Humiles excrecentiæ, callosæ magna  
 ex parte rotundæ, quæ instar monticulorum  
 quorundam in cute eminent, & à salis effer-  
 uescen-



uescentia erumpunt, *μυρμηκία*, lat. Verruca dicuntur. Si in calcaneis & pedum plantis nascatur verruca, ut in gradiendo dolorem atque impedimentum afferat, dicitur clauus *ῥήνη* Aug/Arab. Mismar: quia clauorum capiti similis est: à clavis non magnopere distant calli, quos Græci *δίμας* nominant, nisi quod per se dolore vacant, eodem, quo cutis colore neque sponte sed ex labore obdurata cute gignuntur. Si salis factus in sanguine luxuriet, hac eius rofione gignuntur abscessus, vlcera, apostemata, parua, longa, rotunda, caua, patentia, cauer-nosa, lata, ampla, angusta, breuia, obliqua, re-cta, intorta, corrupta, fœtida, callosa, varicosa, cancrofa, vetusta, chronia, recētia, quæ singula visu & tactu facile dignoscuntur: differentiam autem à locis affectis & magnitudine affectio-nis & acerbitate contagii forriuntur Phlegmo-nie inter sanguinea apostemata primū locum obtinet, dolore, ardore, pulsatione, torsione, rubedine cum cutis eleuatione, duritie non parua se manifestat, quamcunq; parte corporis musculosam maculare potest. Funiculus cum omnibus accidētibus phlegmonici Apo-STEMATIS cōuenit, nunquā resoluitur; sed sem-per peruenit ad maturitatem: si nō adhibean-tur medicamenta oportuna facile in carbun-culum trāsit. Carbunculus Arabibus Ademūl *Carbunculus* dictus prædictis sequior est pustula parua, vene-nosa, locum comburent, in primis vesicam,

H

deinde



*Anthrax.*

deinde Escharam facit; qualis ab aliquo cauterio, vel feruētī aqua euenire solet. Est cum dolore intolerabili & cum ardore, in circuitu semper magnum habens incendium, aliquando est rubea, vel citrina, interdum viridis seu livida, nonnumquā nigra; qui sane colores non ab humoribus, sed ab ipsa suppuratione resultāt. Nec anthrax à carbunculo differt, nisi secundum magis & minus: dicitur Anthrax ab antro, quia interiora quærit, Latinis pruna, ignis seu carbo. Nam sicut pruna seu carbo ignitus positus supra membrum, ipsum corrodit & mortificat: ita & Anthrax facit, quoniā sal vehementer reuerberatum & exasperatum, ignis operationem æmulatur. Erumpit solum in emuntoriis, post aures, intra axillas & circa inguina, tunc proprie dicitur Bubo. Qui Arabum sectantur placita, idem hoc malum prunam & ignem Persicum nomināt. Si in mammis mulierum vel in dorso virorum talis ægritudo oriatur, dicitur Cancer: siquidem his in locis implentur & intenduntur venæ, cancerorū pedibus à glomere illo corporis descendentes per similes. Nec in corpore aliis locis imprimatur, quam virorū inter humeros, & mulierum ad vbera: pars eorum maxime rodendo fodit intrinsecus, externeq; minime cognoscitur, donec sedem suam fixerit; tum demum in ulcerationem transit, rubicundis late radiis expansis, & fœtorem cum interuenientibus, a credine



# REFORMATA.

iiij

credine, frigore, calore doloreq; diutius per-  
stente cōcidit, successu temporis corrodit, fo-  
ditq; rectā cor versus, mortem repentinam in  
sua molitur periodo. Si cutis & caro simul fa-  
ciei coccineum colorem acquisierint, deniq;  
in putrefactionem abierit cum pauca morda-  
citate: Gutta rosacea dicitur. Si venę sub lingua  
tumuerint cum cœruleo colore, Ranulam esse  
dicas. Si mentum totaq; facies illæsis tantum  
oculis, pectus, collum, manusq; fœdo impeti-  
ginis fursure & tabo infectæ sint, Lichen seu  
mentagra appellatur, cuius tetra-contagii se-  
minaria Petrusius eques Romanus ex Asia Ro-  
mam attulerat, tanta quidem fœditate, vt quæ-  
cunq; mors præferenda esset, tanta etiam con-  
tagione, vt osculo solo, veloci transitu maxime  
proceres inficeret. Lues Gallica quamuis sit  
veterum morborum ex sale reuerberato & acu-  
to prodeuntium farrago & colluuius: nouam  
tamē esse pleriq; contendunt: Cum sæua illius  
symptomata multis seculis, antequā An. 1473.  
& 1486. ex veneris influenza in crudesce-  
ret, nobis visa sint, varia scilicet exanthematum  
genera, Lichen, serpigo, herpes, effere, garga-  
reoma, & tonsillarum vlcera, cephinus, cancer  
& steatomata, tubera ac ex intima ossium me-  
dulla cōcretus sub illorum panniculis tumor,  
& in cruribus scyrri & ~~scyrri~~, qui noctu plus,  
quam interdiu sæuiunt, nec iam dirus ex ar-  
thritide, ex acido mercurii præcipitati spiritu

H 2

grassa-



grassatur dolor, qualis circa ossa in hoc Galli-  
co morbo saevire solet. Quem Graei ὀστέον  
ob id dicunt. Tam varii & exoleti veterū mor-  
bi in hac lue recrudescunt & renouantur, quā  
tamen non penicillo adumbravit, sed viuis  
depinxit coloribus ipse Hipp. l. 3. Epid. 3. An-  
no 1556 & 562. quibus Auster & Fauonius fla-  
bat, simulq; vberes deiciebantur imbres, scor-  
butus vehementius in Dania & Norvvegia vi-  
cinisq; regionibus grassari cōepit, hic ex σωμα-  
κίνησι καὶ σκελετοῖς βη conflatus hypochondria  
inflatur ab Hipp. titulo ἰλεος αἱμαλῆτης & sub ma-  
gno lienibus descriptus est. Quorūdam scor-  
buticorum in genibus & brachiis maculae in  
squamulas resoluuntur, non secus, ac si vena  
esset quasi λεπιδώδης squamosa, ἀπὸ τῆς λεπίδος,  
hoc est, à squama, vel ψῶρα, cum asperitate  
summa cuti, ex ea furfures eliciēs. Scorbutus  
igitur, lues Gallica, mentagra & lepra affectus  
congeneres sunt. Lepra deniq; cutim crassam  
& inaequalem reddit, tum colorem lividum in  
albo oculorum facit, exedūt pedū manuumq;  
summæ partes, sanies defluit livida & maleo-  
lens. Ante Pompeii Magni ætatem, eam non  
vidit Italia, quamvis olim peculiare erat Egi-  
pti malum, ob quod Iudæos iuilla carnis esu  
temperasse ac Egypto excessisse Iustinus asse-  
rit, cuius seminaria solo cōtactu passim in ter-  
rarum orbe propagata sunt. Nec infirmi mor-  
bos hosce sub certa syderum & tempestatum

confi-



constitutione in certis quoque regionibus  
grassari & tandē cum tempestas illa exoleuerit  
ac morbificæ leminaria contagionis defer-  
buerint, eosdem morbos mitiores fieri, desi-  
nere & latere, & post aliquot annorū interual-  
la redeunte simili syderum coniunctione re-  
pullulare, aut saltem per huius contagionis  
leminaria ad exterarum nationes propagari, vt  
frustra hanc lanam carminet Matth in Dial. de  
morb. Gall. cur. ratione perseuerante morbo  
quotidie debere fieri eosdē stellarum concur-  
sus. Nam contagiū semel cœlitus effusum ma-  
net, licet constellatio abierit, morbusq; solo  
contactu transplantatur; nec longos antiquo-  
rum inanes processus in horum morborum  
seu læsionum cura imitabimur, quos recense-  
re tædet, cum non nisi prolixam, intricatam &  
fatuam viam ingredi doceant. Nonnunquam  
itaq; mundificatiuis, loturiis, ligaturis, corro-  
siuis, hydrargyricis inunctionibus, pestiferis  
suffumigiis & similibus vtimur, quæ quidem  
omnia vlcetibus alijsq; cutis defœdationibus  
inimica sunt, & eam miserrime deprauant &  
perdūt. Sicuti unicuiq; suum peculiare medica-  
mentū assignare inane & vaniloquum est, nec  
papyri lacturam compensare vnquam potest.  
Cum omnis cutis defœdatio, vt lepra, lues Gal-  
lica, alopecia, serpigo, nec non alia similia, pu-  
stulae, pruritus, impetigines vnico tunc medi-  
camento satis exacte curari sanariq; valeant,

H 3

quorum



quorum omnium causa vnica est, licet signa iuxta loci affecti partē & dispositionem varia conspiciantur & dolores acerbiores ad salinorum spirituum maiorem, minoremve effervescentiam erumpāt. Quapropter salis reuerberati luxus & asperitas, quæ solum cutis effodicationem molitur, solo balsamo emendatur & corrigitur, olea præparata destillataq; balsama quidē vocantur, sed à nullis, præterquam imperitis medicis: Non continēt in se mumia, ex qua omnis sanatio procedit, solum sal balsami naturam habet, maximas & potentissimas mumia vires exerit, tantum opus est, vt à salibus acedinē & asperitatē auferamus. Quapropter, inquit Monarcha, dulcedinē receperint, maxima supremaque mumia facta sunt. Quapropter Medici peritia consistit in eo hac in parte, vt hominem in spiritu salis cognoscere discat, postea sal vnumquodq; cum ex natura similem cibum in eo sale cōstitutum ne huc administret, nam eo pondus augebitur, quo fieret ex abundantia maior eruptio, seu effodication; contra sal amarū est Medicina sibi simile sal, sed du'ce non amarum: contra sal asperum suum sed mite: cōtra siccum, simile sed humidum: & ita consequenter iuxta proportionis demonstrationem, salia suam dulcedinē perfusionum sublimationū & solutionum cohobationanciscuntur, dum in oleum seu liquorē Mercurialem reducuntur. Maior potētia ex vegetabilibus.



tabilibus, animalibus & mineralibus vix re-  
periri potest, quam in ipso hydrargyro reperi-  
tur. Eius sublimatus dulcis nec non oleū dulce  
omnem curam absoluet. Nec quæ ex auro,  
argento, ferro cupro, Antimonio & Tartaro  
fiunt, balsama despiciamus, terra quoq; suum  
balsamum exhibet, & omne quod ex terra na-  
scitur, mumiam latius præbet, in vno tamen  
minus, in alio magis. Qui folia Hellebori nigri  
in balsamum reducere nouit, is ingentem in  
arcanis absconditæ naturæ thesaurū possidet;  
Hoc rite administratum ab omnibus externis  
infectionibus & omnib. internis putrefactio-  
nibus præseruat, hominēq; in eo statu, in quo  
genitus est, conseruat, vt citra morbos ætatem  
secundam attingat, ideoq; dignum & operæ  
pretium est, purum ab impuro separare. Hoc  
purum balsamum perpetuum & defensuum  
senectutis vocitant, leonis viridis vires ad-  
æquat, futuram lepram cum radice tollit, pur-  
gat hominem excellentissime supra quauis  
alia arcana, radicitus euellit auferendum, ac o-  
mne quod immundum reddit hominum cor-  
pus, hoc in supremum vsq; sanationis gradum  
purum efficit, ac ab omnibus ægritudinibus  
mundat, quicquid penes hominem fuerit im-  
puri delet, ac magis quod in homine per ho-  
minem indecenter inueniri potest. Propterea  
nec Paracelsus tom. 7. nec Forauantus, nec Pe-  
notus, nec Quercetanus, nec vllus alius ex ve-



terum vel neotericorum choro naturæ con-  
sultus, hanc veram balsami præparationem in  
vulgus promulgavit. Quicumq; ergo ex dictis  
nostris hunc balsamum inuenerit, huius præ-  
parationem satis clare artis filioli indigitarit,  
imperito ne dederit. Nam ignaris imperitisq;  
arcana aperire est audaciam illis ac proteruiam  
augere, cum contemptu doctorum virorum.  
Externam deniq; harum læsionum defensio-  
nem chirurgia docet, quæ à Paracelso latius &  
apertius tradita sunt, quam vt de his plura no-  
bis supersint dicenda vel declaranda. Quare  
huic tractatui finem hic imponamus, atq; in-  
super Deo, cui omnia quæ à nobis fiunt,  
aut dicuntur, accepta ferre par  
est, immensas agamus  
gratias.

SALIS



## SALIS BALSAMVS.

SAlmarinus & non alius optime depuratus seu Veneris vitriolum more spagyrico ad summum præparatum in vitrum cum aceto philosophorum Spiritu salis nitri vitrioli & salis armoniaci exasperato ponatur per 15. dies ac noctes in ventre præliantis sepeliatur. Putrefactione finita destilletur igne conuenienti, hoc est, per gradus donec signum tincturæ appareat, tincturam ab albo separa & per retortā rursus vrge, videbis exire nigredinem. Hanc iterum age per

H 15 retor-



retortam iterando toties donec exeat albescens, perge nec de opera despera, rectifica, donec verum clarum viridem Leonē reperias, quem spectabis pondere grauē & ingentē. Bene illi qui ipsum reperiet, & ad tincturā corporis humani vsurpare nouit. Hic est verus & genuinus balsamus, cœlestium Astro-rum corpora nulla putrescere siners, nec radicem agere permittēs, datur i. grani pondere, si cum sulphure solis fermentetur. Hæc Paracelsus Medicorum Monarcha.

F I N I S.




Typographus Lectori S.

**N**E nescias humanissime Lector exemplar manuscriptum, ex quo hæc transcripsimus difficile admodum lectu fuisse, unde copiosa hæc irrepsere σφάλματα: quæ obiter & alia inter legendum non animaduersa pro tua humanitate corrige. Et si cognouero studium meum tibi complacuisse, enitar ut aliquando una cum reliquis cæteris Scheunemannianis emaculatio prodeat. Interim hisce frui, & nos ama.




# ERRATA.


Pag. 5. lin. 18. pro Iohannes lege Iosephus. p. 11. l. 9. semina  
pro scientia l. 11. custodiuntur. l. 13. in his pro in hac l. 15. vt-  
cunq; l. 18. languida sunt. pag. 12. l. necessarias. l. 21. post qui-  
bus pone omnibus. l. 23. saporum odorum. p. 15. l. 14. coag-  
mentationes. p. 10. l. 11. plus Mercurii. p. 20. l. 5. potestate. l.  
21. quoq; p. 26. l. 8. debent. l. 9. renouat. l. 12. ex sale Armonia-  
co. p. 31. l. 18. ab alio. pag. 36. l. 3. Gallia Moschata. p. 37. l. vlt.  
mordacitatem & p. 38. l. 7. arca p. 47. l. 13. in costarum. p. 48.  
l. 3. induratio. p. 56. l. 11. nulla pars. p. 61. l. 2. difficulter crema-  
biles. l. 12. sulphur solis. p. 66. l. 20. spiritu. l. 25. cum oleo sul-  
phuris. p. 69. l. 19. *αφαιαν*. l. 24. aut si mingant; obliuiscan-  
tur matulam. p. 72. l. 5. nullius. p. 74. l. 6. quadam qualitate.  
p. 77. l. 22. Reguli p. 79. l. 3. expedit stercus vero quod eo mo-  
do secedit. p. 82. l. 24. victrioli. l. ead. dele pituitosi. p. 86. l. 21.  
morbis dissolutis. p. 88. l. 1. mollius p. 91. l. 4. cure pro arte.  
p. 96. l. 4. hæc opinio p. 98. l. 7. Tarraro pro sulphure p. 101. l. 13.  
longanon. p. 102. l. 22. Magnecinum. l. 23. Duelech. p. 110. l. 13.  
diebus curationem. p. 111. l. 6. in ea pro niueus. p. 112. l. 12. fer-  
uida aqua pro feruido igne.

































Pathol. gen. 521